

兩浙輶軒續錄

兩浙輶軒續錄卷四十七目

陳錫麒 賈樹誠 朱適然 周維蘭廷 汪彥增

來鳳郊 樓譽普 姜敏修 孫第培 袁祖惠

吳聲槐 高瞻嶽 高望曾 吳文漪 徐禮堂

陳 浦 吳 鑛 丁士諤 俞紹萊 董 濂

錢樹孫 潘紹周 金日修 薛德恩 沈成烈

胡鳳錦 金肇麒 王鼎祺 毛鴻飛 金鼎升

吳世晉 譚逢仕 毛 琅 孫惟溶 章鏡清

來 成 孫葆澂 胡 玠 朱志成 董慎言

王鼎華 朱孝起 江 鏞 朱士銓 樊椿生

邵順穎 高文鑿 查人舟 馬自熙 王鼎詩

曹鼎成 朱根深 金松春 徐振燕 丁養元

董縉恆 洪炳燦 陳汝諧 陳致新 王詒壽

婁詩品 岑應磨 范錫惠 邢洪圖 王鳳鳴

范廣城 鍾廷慶 許慶恩 許承勳 徐有珂

朱冕羣 江珍楹 尹金葵 胡體坤 方 鷗

張壽松 陳繼揆 胡壽頤 沈 榮 王英洪

丁鴻達 楊觀治 朱衍緒 蔡 簾 徐 濬

夏 謨 楊文杰 俞光組 沈承熙 董 燿

張以鏢 傅紹愔

兩浙輶軒續錄卷四十七

督學使者潘衍桐訂

陳錫麒

字襄夔海甯人同治壬戌進士官直隸天津同知著一閩老屋詩稿

許仁杰曰先生愿知樂城靜海東光邢臺清苑等縣循聲卓著吏畏民懷曾文正以直隸知縣第一人保奏其薦贖有云經術湛深書味益然有守有為時時以愛民為心其得民獲上良有以也

輓湯貞愍公

名士又名將蕭蕭白髮秋將軍今老去國事是誰謀緩帶風猶在殘棋劫未收東南一睨睨妖燄互蚩尤

江山驚破碎危急石城秋莫展揮戈力徒勞借箸謀孤忠拌自效老淚灑難收忠孝先人志全歸更孰尤

賈樹誠

字雪持號琴巖會稽人同治壬戌進士官刑部主事

初秋病起懷張鑑川型

西風吹瘦骨蕭瑟尚難禁之子渺何許江湖秋水深定知中

酒意能養讀書心空有扁舟興遙遙一寄音

得鑑川詩札卻寄

吟罷江雲渭樹詩八年前事惹相思讀書我已同孤注到眼  
君真是可兒崛強尙餘山野氣姓名誰識賤貧時論交豈但  
憑文字合是生平一片癡

偶隨嚴樂奏長楊翻以春明作故鄉此日未應悲失馬當年  
原不算亡羊幸無宰相書三上輸卻伊人水一方刺已模糊  
裘已敝客懷依舊是清狂

雪後寒甚病榻有述

小病居然霜鬢深底須辛苦學呻吟也知僵臥尋常事爭奈  
高堂遲暮心寒燄半爐宜小屋敝裘一襲抵重衾烹羔煮雪  
吾何有強起裁詩自賞音

朱迥然

字肯夫號味遠蘭子餘姚人同治壬戌進士官至詹事府詹事

孫德祖曰詹事幼承庭誥學有根柢督學湘蜀並崇尚樸學多所造就入川當南皮張尙書師極盛之後作養人才幾與之埒惜以體孱而率於舉職年未五十猝官不竟其用也著有莊子輯注列子輯注急就章補注使湘日記使蜀日記

記孱守齋叢集

緝雅堂詩話肯夫前輩使湘之日復設校經堂以課多士堂故吾邑荷屋先生所秘久已歇絕至是諸生咸得所受稍變近人說經狂妄之弊使蜀錄優行至嚴所拔皆佳士有文無行者始取旋棄之風教一振借哉無年未竟厥施模範在前竊所景仰

九日遊慈仁寺

秋日閉門苦岑寂登高故事眇成約比鄰張子夙愛奇嘯侶  
言尋梵王閣慈仁寺後毘盧庵紺宇亭蒼聳蓮萼循磴百級  
窮攀躋放眼萬家忽呈躍是時風暖微雲晴白日遲遲畫漠  
漠深蒼老樹罨臺榭醞釀秋陰抱城郭西山蜿蜒隱龍蛇

北闕觚棱辨鷓鴣今年秋氣和如春彷彿花時著芒屨閣下  
 雙松更岷奇選勝移尊共斟酌脫畧冠佩忘賓主商析文史  
 閒諧謔越州酒冽霜螯肥獨慚無力勝杯杓停尊卻憶餞春  
 日芍藥初開海棠落三月孝達招遊天甯寺看牡丹又同至極樂寺看海棠方看穉菊  
 舒嫩芽又見疏林隕寒穉李侯五年家鑑湖自說曹山遊最  
 樂蕤客言去秋曹山登高會者皆我鄉詩人極一時之盛而我歸計頻蹉跎每逢佳節  
 倍蕭索昨日舍弟附書至風雨雖多花不惡定有高會簪茱  
 萸空悔經年別邱壑幸從暇日廁坐末暫向梵宮解塵縛落  
 日在樹重登臨暮煙蒼蒼極寥廓悵然歸臥蒼松根一夜夢  
 魂逐飛鶴

渡汨羅江

行盡沅湘路征驂又汨羅淺沙猶擁渡流水自生波古戍明

楓橋餘香歇，芰荷中流漁。父過不敢扣，舫歌

發君山宿團山下

殘燈耿遙夜，一雨不知曙。榜人識江津，冥冥張帆去。風駛下雋城，雲暗巴邱戍。君山十二峰，莫辨昨游處。

自沔棗灘曉行至鳳灘謁伏波祠

入夜不成夢，驚灘喧倒耳。稍稍聞人語，行行趣我起。回眺兩岸山，都在白雲裏。揮手入雲中，一徑走迤邐。飛蓋簷瓦落，前旌市門指。市盡遂入林，萬綠不可理。蕎麥似雪開，野花爛紅紫。叢箐時鉤衣，露葉光蕤蕤。懸厓忽中斷，奔泉激於矢。大石攔其前，破碎難迴視。橫行爬沙蟹，鑿空穿珠蟻。怪爾山中人，險極履如砥。卻顧同行者，猶萃水之涘。僂僂十夫扶，進退一纜使。稍縱退逾丈，猛進不及咫。前者卻復前，後者行且止。我



思石與水搏戰無終始如何一葉舟銳思與角掎逕欲鞭羣  
頑一朝盡他徙坐看酉江中沿流棹歌喜要知存此險亦足  
雄南紀藩籬果盡撤傾洞更何倚閩越吳齊燕沿海今互市  
人謀非不臧天險本可恃世守八百年我念彭刺史去去勿  
復言有廟山椒峙幾折趨寺門一尊酌江水殿角閃微紅東  
巖日上矣

辰州試院鄧直卿廣文出示程侍郎與其叔祖湘臯先  
生訂交詩冊索題其後率成二律 錄一

圭齋歿後船山逝天遣先生起楚騷萬古湘靈耀膏燭百城  
士氣厲弓刀 用楊性農太史湘臯傳狀中意近聞西域將休甲誰過南村特

薦醪稍喜兩家多後起繼繩未負勛兒曹

周

蘭

原名玉麒字蘭友號伯蓀仁和人同治  
癸亥二甲一名進士官翰林院編修

丁夫人凌苴沅翠螺閣詩詞稿題詞

墨花灑入琅玕紙紙上芳魂呼不起黃絹詞留幼婦工紅闈  
夢斷詩人死詩人小謫自瑤京香草湘江是小名縷雪團香  
縈妙緒拈花吹絮寄餘情停鍼倦繡編初集珠潭玉照詩重  
輯鄭重璇闈墨會篇珍藏瓊島雲珠笈一自雲窗繫綵絲與  
松同夢畫眉時織成兩縷同功繭唱出雙聲連理枝豔才豔  
福雙修好但有歡娛少煩惱不信人間短命花難求海上回  
生草藥沫跳珠石鼎涼曇花一現影難長臺前又破溫郎鏡  
指松生前 袖裏猶留荀令香琳琅一卷珍珠字夫婿含愁爲  
編次簫聲吹斷已多時想見霞裳與雲帔兒女英雄寄興豪  
有時懷古入吟毫淚多欲溢銀瓶并戰苦猶悲紅玉袍神仙  
眷屬傷離久有時三島還回首奏成靈樂羨雙成傳到壽觴

懷阿母二十餘年一夢醒空中天樂賸泠泠鮑家香茗才華  
麗白氏金鑿性質靈紅顏壽數年來短小錄撚脂更誰纂詩  
筆琴絃兩渺茫翠螺閣與慈暉館慈暉館主人爲阮太傅女  
孫適沈竹齋茂才通琴學  
余數日前爲題其停  
琴待月圖故併及之頻年廢學認寒筇老去周郎筆不腴題  
句難消佳壻恨瓣香合拜美人圖

羅氏兩貞女詩 并序

貞女名佩芸佩蘭仁和諸生羅世熙女辛酉冬投井  
殉難

輓轡不轉銀牀夕中有蛾眉冤血碧三丈寒波萬古愁一泓  
冷侵玻璃魄浩劫紅羊憶往年珠沈玉碎弔寒煙花翹姊妹  
羅敷族芸散蘭摧命共捐龐娥至孝曹娥行彤史芳型兩輝  
映一死真教重泰山如此紅顏非薄命官美山頭殉節時香

潭便是影娥池沈冤不亞銀瓶井表烈應題黃絹碑

龍章五色

天恩蕩綽楔巍峩德門榜寒泉菊薦女三閭水仙廟食神同

享掌珠泊息阻刀環曙後孤星尙未還苦望金題鏤紫石祇

應頭白白香山

汪彥增字崇甫號葦塘仁和人同治癸亥進士官江西零都知縣改湖州教授

施繼常曰先生筮仕江西有政績課士如襟江書院規

約最有條理時有以巨案請託者納苞苴三千金峻拒

勿受知令不可為改歸授吳興教授數載歿女字嘉興

金吳潤次子兆棠未婚卒女過門守貞盡婦道撫嗣子

無少懈迨先生病女歸侍湯藥病革憂甚割臂肉兩次

和藥以進先後

旌表貞孝  
六月六日聞青州大災作此憫之  
六月六日交初伏大雨如注簷飛瀑忽聞青州遇大災赤地

千里天何酷青州地瘠民本貧旱魃爲虐更窮蹙富者已貧  
貧更貧一兩白金一斗粟草根樹皮盡搜窮鳩形鵠面家家  
哭慘更慘於老婦女瘦者析骸肥食肉可憐清白讀書家二  
十四人死其六昊天不弔降鞠凶羣黎盡欲填溝壑我勸世  
人莫吝財救災恤鄰施萬斛君不見擁資鉅萬慳吝人徒供  
子孫恣貪欲惻隱之心人皆有作此哀歌同寓目

來鳳郊

字賦唐蕭山人同治癸亥進士官杭州教授

江心寺

梵宮近接謝公亭卓錫江心地自靈塔影倒涵波激濺鐘聲  
遙渡水清冷追隨鶴鹿時參法約束魚龍共聽經好向東甌  
皈佛宇慈雲化雨抵南屏

樓舉普

原名詠字廣發號玉圃嶧人同治癸亥進士官刑科給事中

孫德祖曰同治戊辰兩浙公車讌集浙紹鄉祠祇應者  
為四喜部有陶生者自言亦浙人父故隸軍籍杭州再  
陷戰死鳳山門殉之身為宵小掠賣至此余哀之力  
不能拯為賦長歌紀其事同歲生鄞董沛覺軒亦繼作  
時給諫方官御史見二詩即為脫樂籍俾覺軒挾之歸  
南覺軒因導之習賈而上且授室焉光緒初同縣王繼  
穀代母死大吏上其事格于部議給諫為特疏奉  
俞旨以孝子旌二事皆為鄉士大夫所推許

酬友人

蕭齋鎮日感離羣  
一夕遙天墜朵雲  
險澗新詩驚島瘦  
淋漓醉墨露顏筋  
庭前芝艸知初茁  
坐石蘭芬憶舊熏  
獨有陽春賡未得  
越山隱隱水云沄

姜敏修

字梅生金華人同治癸亥進士官翰林院編修

義自然齋詩話梅生為余戊午同年性伉爽尚氣節與人落落寡合生平豪于飲興酣往往多感慨之作今不知遺落何處僅記借游閩忠寺一絕句錄之

遊閩忠寺偕鍾雨辰殿撰作

長歌所地又何求  
蘿徑松棚爲少留  
萬籟無聲千佛笑  
相攜吟到寺門秋

孫第培

字閩青自號虎林山樵蒙子錢塘人官湖南茶陵知州署枳棲吟

放歌

大龍青天行雨歸  
小龍吹浪作花飛  
洞庭三萬八千頃  
騎龍衝破琉璃影  
赤腳笑踏金鼇峰  
手持一片扶桑銅  
照見玉闕蓬萊宮  
仙人酌我鵝黃酒  
問我人間可嘗否  
清露正落分柑手  
新腔一唱雙金斗  
天漿漸染靈楓紫  
醉魂飄墮輕於紙  
玉杓滿酌夜餅寒  
猶有餘香灑湘水

袁祖憲

字又村通子錢塘人官江蘇上海知縣著求芝堂詩稿

丁丙日又村攝武進寶山縣丞廉幹有爲擢知縣署上海縣事會匪劉麗川作亂突入署君聞變出坐堂皇開示禍福辭氣激烈遂遇害事聞

郵贈

知府銜予建專祠

寶山秩滿受代述懷留別

天地一逆旅過客成棲遲官廨本傳舍去住凭推移翳我戊  
申歲夏五來泣茲官事視家事盡己所當爲心書守遺訓教  
孝毋傷慈敦俗勵廉節力挽頽風頽豈無越俎嫌佐治容所  
宜事簡易就理日短難敷施有志或未逮倏焉逢瓜期抱此  
區區心願告士民知

清溪地瀕海植棉勝植稻種花男婦偕花落同溫飽所嗟夏  
秋交颶颶終風暴潮來乘風威滔天水浩浩霖雨更浸淫棉  
田鞠茂草偏災雖目擊格例難陳報思患謹隄防堵築亟爲  
告

海隅肆剽竊守望防宜周鳴鉦俾警眾雖訛毋相尤勇夫尙  
重閉敢懈傳更籌嚴冬亦戒備所慮三時偷開門方揖盜慢



藏誠可憂前車有覆轍未雨應綢繆

丞為古掾吏今時聊備員哦松有成例拔薤無其權矧余奉

公檄攝篆期經年為貧謀祿養但求無過愆豈圖眾父老揖

我謂我賢自慙樗櫟材棟梁奚望焉

坡公官吾鄉期與民休息去後民思公公時亦相憶況今多

君子經歲相輔翼遠謀惜未遑素餐愧肉食差喜受代者歸

來燕曾識諒無新絃張舊交相與習臨歧徵贈言清芬願長

挹

吳聲槐字音木淦  
孫錢塘人

退庵詩話音木工為長短句直  
欲上追宋人詩亦清新可誦

秋芳襟詠

漫從花渡賦邀遊素體涼生枕簟秋最是晚風禁不得暗香

吹下玉搔頭晚香

前身金鳳漫相猜合是羣仙下九垓一自吹簫人去後至今

不復向秦臺鳳仙

候雁聲聲霜滿天一枝紅豔草中仙莫嫌老去風懷惡著得

緋衣便少年老少

好花也喜占羣雄絳幘亭亭小苑東應是前身貪報曉夜深

猶自立西風雞冠

問名卻稱小南強雪鬪玲瓏玉作妝涼月一天人倦後夢魂

猶滯鬢邊香抹麗

高瞻嶽原名鑑曾字鏡仁仁

家傳略鏡仁十三能詩文家資將服賈塾師止之既遊  
庠藁筆遊四方先後佐博山趙剛毅公天津金剛愍公  
戎幕二公重其才待以國士未幾二公死節喟然曰天  
下無知己矣性耽吟詠有漁波鷗唱三山紹遊皖遊東

遊諸集

舟泊皋亭山

山半餘夕陽天末一歸鳥羨渠倦飛還恨我遊蹤老東風促  
行裝又至皋亭道言訪桃花源桃花信猶杳春寒鎖百卉扶  
疎樹環繞獨恨時世艱遠行心似擣撒沙著神威默向靈祠  
禱保障桑梓閒立使櫂槍埽客夢于以安挂帆報天曉

高望會

字稗顏號茶庵仁諸生官福

壽松堂詩話茶庵工填詞詩亦綺麗無俗豔秋日湖隄  
晚眺云疏柳蟬聲急秋風幾度過此時殘暑退何處晚  
涼多流水碧如瀉夕陽紅漸  
趙吳娃盪舟出采聽菱歌  
丁丙日茶庵交余昆季最深夜夕過從談今論古幾忘  
其誰賓主也年十七作賦下筆千餘言江夢華先生  
許為西泠秀氣冠絕一時官將樂治事不苛作解訟歌  
以勸民感戴之屢筦登榷商估無怨言然疏闊猶昔負  
官錢不能償卒之  
日幾無以為斂

還鄉雜詩

男兒重讀書所望明大義一旦取功名豈爲竊祿計我經昭  
忠祠再拜仰生氣嶽嶽王壯愍出身由小吏累薦守吾郡循  
聲著卓異九遷至台司獨任封疆寄東南方被災

天子慎簡畀下車首理財閭閻起凋敝流亡漸招徠戰守靡  
不利堅城兩月圍民食苦難繼鄰封無援師事敗亦天意一  
死盡臣職浩氣塞天地

優詔錫專祠俎豆世罔替彼哉儒衣冠臨難徒畏避

儒臣握兵符空談了無補將軍能愛文不僅侈武庫誰謂識  
一丁勝輓兩石弩蔣侯誠健者桓桓力如虎起家執戟郎羞  
與噲等伍殺賊取通侯分藩莅吾土折節還讀書諸生環幕  
府荒城百廢興勝蹟盡復古萬金解私囊窮檐起疾苦暇輒

手一編有心求治譜雍容儒將風不數祭征虜

到治尙儒術立學始夏商取士貴端木行舉而言揚吾浙人  
才藪比戶傳青箱頻年講武備遂使絃誦荒幸遇中興日  
殊恩被膠庠老宿旣凋殞積學非所望宗師亟甄拔區區惟  
詞章三科併一試取額逾尋常舉網一朝盡魚目皆夜光東  
鄰屠沽子詡詡青衿行士習日以壞文教何由昌

薄俗賤科第鄉里無偉人先達代云謝賈胡充縉紳腰纏脫  
萬貫苞苴通要津貂纓何赫奕恃勢欺里民藉口討賊黨強  
奪伍伯婚後房羅粉黛日夕歌管陳誰非良家子含冤莫可  
伸災區待撫卹善政殊未聞當路飽餽遺薦牘馳

天閭爛羊騎都尉始信往事真旨哉陽貨言爲富多不仁  
古杭素敦厚吾宗稱首善高曾遺澤留赴義不知倦子姓苦

貧乏無力空有願後起推雙丁其才足匡亂荒城兵燹餘首  
事不待勸有財甯自私與世共憂患殘黎賴撫綏臨事有獨  
斷散財非所難難在任勞怨當軸頌風義文章達

天眷杜門謝徵辟浮名忌矜衒吾事盡吾分何必虎符綰笑  
彼貪肉流徒作麒麟植

時清戢兵久徒恃金湯固軍籍但虛名糜餉信國盜機槍耀  
中天寇至急召募嗟彼南畝農誰肯荒所務一旦張義旂亡  
命集如鷺豈其習戎行覓食強爲附朝聞點行頻未陣先恐  
怖其聚本烏合信義未昭布是驅不教民臨事罔不誤我怯  
賊愈驕奔竄若狐兔僥倖大憝殲劫盡亦天數若輩聚則易  
欲散無歸路鄉曲恣劫掠主將豈及顧其禍成養癰當事苦  
不悟

烈火炎崑岡國殤千萬億

詔下表忠義所貴覈其實省會大設局薦紳任厥責枵腹從  
公難俸錢視階級其下逮諸生亦與鈔胥列茫茫劫海中何  
處攷真迹某某罵賊死當年曾附逆人情樂揚善隨意且文  
飾嗟彼鐵石腸采風曾未及巧借延訪名遷延糜祿食度支  
問何從取自捐征額羣公鑿膏梁編氓竭膏血可憐泉下人  
賢愚同默默

江浙擅財賦首稱蘇與杭杭州饒物產商販輸吳閩彼此共  
爭利何爲分低昂要因關吏酷其毒如豺狼積久習難輓遂  
使民業妨

聖主卹民隱苛政裁津梁大府勅新法藉口籌兵糧昔一今  
乃什橫斂逾尋常釐捐各分卡厥製古未詳

九闔高以遠安得窮毫芒軍需詎有裨聊借肥私囊獎飾盜  
名器猶謂甘輸將惜無敢言吏一一陳彈章

西城業禱箔東城工織機武林十萬戶營生仗土宜女紅勿  
使曠俗儉臻淳熙一從兵燹後焦土居民稀商賈未來集物  
產苦不齊嬪女厯戎馬歸國誇文姬十指謝鍼黹服飾矜新  
奇易內慕崔慶飲博相娛嬉守分事商販轉笑男兒非薄俗  
務荒晏當軸須防微

撫序感霜露朝出城西門湖山黯無色不知天地春官隄縈  
鳥道夾路披荆榛將軍舊築壘亂石如雲屯孤往十餘里破  
屋知荒村入山拜先隴坏土猶如新貧家少封樹雜卉紛尙  
存前岡蠶華表鬱鬱誰家墳石馬半傾蹋松柏摧爲薪敗棺  
見殘骸拜埽嗟無人我輩賴先澤虎口留餘身惕惕戒冰淵



一綫延千鈞祖德儻能述愧無華亭文

山行不逢人尙餘豺虎迹下馬讀殘碑道旁小歇息鄉人荷

擔來纍纍此何物前肩挂髑髏後擔束骸骨爲言荒村中狼

藉無人卹官局論斤買易米計亦得敗骸攬牛羊眞僞孰能

別山南淨寺旁山北棲霞側荒冢何紛紜萬骸同一穴

杭城收復

後官紳設局收買屍骨每斤八文於南山淨慈寺旁北山棲霞嶺各瘞十餘冢八百斤爲一冢

豈無豪與傑身後誰得喪都付一邱貉俛首念妻孥淚下衣

襟溼

劫後人種稀凋零傷戶日城中事商買脫難四方走鄉民務

稼穡終歲但株守劫來何所之死亾十八九幸而竄殊鄉傭

工易升斗去年大難平歸來尋隴畝官吏方稽查開報唯恐

後墾荒亦云亟犁鋤復何有蠲租

聖主恩暫免豈能久今年里正來怕說催租又荒田尙未開  
相顧但束手

崔盧舊門第昔日何風流翩翩盛裘馬富厚輕公侯華堂夜  
開讌結交皆貴游優童進雜劇歌女陳清謳朝暮事歡樂不  
知人世愁虎狼忽肆毒大戶先搜求解我五花馬脫我千金  
裘昨暮堂中客今日階下囚妻孥委中道先業空貽留黃金  
一朝盡性命同蜉蝣我來感人事華屋今山邱

雨後刻行

芳郊雨初歇薺麥綠如繡積水溢陂池小溪咽急溜斜陽畫  
晚晴雲外遠峰瘦鷓鴣不住嘯似向東風呪

昔乙卯歲借嘉魚過城西古龍興寺觀唐開成二年處

士胡季良手書陀羅尼經幢命工氈榻而歸各賦長

篇書小幅以貽寺僧爲山門掌故辛酉之劫寺燬於  
火而幢幸完好乙丑還里曾一訪之今年經過其地  
并幢不復見矣因作詩以遺嘉魚

城西古龍興精藍極幽窅山門對橋開墨榜翠藤繞小憩借  
蒲團鐘聲破煩惱心靜懷古歡住持能了了鄰寺指祥符崇  
閔見焚燎本來不二門捨宅主人鮑割裂自蕭梁開拓侈營  
造表延九里基勝蹟傳十寶興廢閱千年規模漸狹小寶氣  
久消沈事往風流杳唯留古佛幢突兀聳雲表上鐫陁羅尼  
經義頗難曉書者胡處士翩翩盛文藻紀元唐開成歲月遠  
堪攷繞幢三撫摩深快眼福飽命工氈榻歸長篇記鴻爪同  
遊我與君在昔歲乙卯未幾歷紅羊巖城付一燎天意憐詩  
人免作溝中殍劫後一經過地僻人蹤少約略辨經臺龍象

委蓬葆巍然經尙存字迹俱完好時未與君偕清遊惜潦草  
吾生慣行役飢驅復上道今歲賦歸來重經值秋杪橋頭認  
遺址往迹盡如埽市徑鏤寒煙壞幘亦傾倒豈無片石存無  
由詢鄰老中有舍利子佛法或能保作詩遺故人披榛急搜  
討

丁竹舟嘉魚昆仲屬題風木庵圖

我年十五熒熒失怙母教兒讀茹荼忘苦哀哉孤兒有母已  
無父一解孤兒日以長逐隊遊文場始得與君伯仲相翱翔拜  
君父母登君堂二解君父顧我喜謂我有成視猶子一堂執業  
命與諸兒齒我家距君僅尺咫晨昏來往無停趾三解厥歲在  
辛與君伯仲同擷頰水芹游修藏息毋或離其羣兄先弟後  
聞我而三人四解翳我食貧惟君知之及我授室惟君資之文

戰再北我將輟業亦惟君持之君秉庭訓毋濫交獨於我若

有私知己之感欲報何時

解五

卯年大比君侍親疾不及試君

遘閔凶適我下第登君之堂淚不已我爲孤兒視我猶子同

爲孤兒猶子誰庇君爲孤兒先志獨能繼嗟我孤兒側身天

地從此無知己

解六

三年大祥君復遭母喪風木之痛摧肝腸

繪圖徵我詩以我知君詳羨我猶得依高堂媿我養志仍未

遑

解七

辛酉之劫我爲戎虜幸而出難旋遭大故滿目烽煙斷

歸路我身不自保妻子豈能顧而君出難在我先力爲鄉里

造命已無數

解八

亂既定君先歸杭州萬戶皆劫灰善後之舉

君不辭大府側席一一胥聽君指揮顯揚無過此鄉里交相

推逮我負親骸骨回聞君姓氏達

帝闈而我未成一事苟延殘喘將奚爲

解九

天子酬庸畀君花封君願守先人之邱墓以終而我先人邱墓猶未封對君令我無地容十流光電疾旋聚旋別昔日少年已垂白同為孤兒君之伯仲早成立我獨天涯尙飄泊非徒負知己何以盡子職展君是圖惟有吞聲泣十一

歲暮感逝詩

魏蓮士母舅壽昌府學生性迂謹精於經學家多藏書庚申之難被害

篤信姚江學窮經慎獨居倉皇罹浩劫珍重抱遺書賊至被復起藏書籍為賊所見乃被戕謹守先賢訓羞爭濁世譽潔身難免禍天理究何如

夏靜甫大令尙志吳縣人以諸生納粟為參軍來浙候補三十年不進一階庚申劫後甫以

知縣保升遭辛酉之難城陷不屈死君癡於詩所著有塵海勞人草二十餘卷鐫板燬於火

甘作風塵吏分符白髮新名山推老輩塵海困勞人袖裏長

吟集圖中獨立身君有獨立小影讀書知大節一死答

君親

戴介帆孝廉博禧壬子舉人性謹樸為鄉里表率里居課徒事親以孝聞庚申劫後移家越

中余買舟訪之與弟桐軒對坐講易家鳳山城外賦至合家皆殉難

結廬鳳山下閉戶自警書經學宗毛鄭詞章薄庾徐曩時吳

下警曾共越中居應悔攜孥返全家劫燼餘

邵位西郎中懿辰官刑部郎中忤觸當事貶歸家居奉母文章為一時冠與曾侯交最契侯

駐節祁門遣使聘以千金以言事不合歸里辛酉城陷死之

忤時辭

北闕養志賦南陔薄海文章伯名山著作才衣冠歸歷劫鄉

里有餘哀知己南豐在遺篇訪草萊

毛西堂廣文

庚錢塘諸生以籌防保舉訓導少以書名尤工刻石城陷被戕粵人有慕君書

名者賊中以干  
金來贖君已死

金石平生癖硯田聲價高偶難除俗見未免累精操瘦弟原  
鵠散全家澤雁嗷囊金誰肯贖性命已鴻毛

王問樵文學

榕子從妹聳也家業鹽中年中落飲酒  
自豪不事生產困甚至授徒自給杭城

被圍猶縱飲城  
陷後全家殉難

揮手黃金盡驚心白髮催田園身外物性命掌中杯舊業皆

焦土餘生任劫灰危城同忍餓猶記一追陪

葉譽庭文學

駁元仁和諸生少余三歲余向嗜酒君  
苦諫之性誠篤動必以禮辛酉城陷聞

賊且至門遂登樓自縊老母尚在  
脫難後故人應敏齋觀察迎養之

愛我如同父沈酣爲我危苔岑聯臭味藥石荷箴規烽火城

中徧妻孥地下隨白頭慈母在誰慰覆巢悲

姚叔愨州司馬

學德余姊聳之叔家素封納貲爲州  
同知少歲游淮上與類如諸老黃



既游聞江山之助發為小詩有六朝人風度晚年息  
影酒酣話舊令人俯仰興感性孤介不輕許可人辛  
酉城陷被執待以殊禮  
終怒罵之卒為所戕

老輩餘風雅江湖因此身意中唯有我眼底更無人文酒同

聯社湖山待結鄰免冠能罵賊傲骨自嶙峋

汪雷岡明經浚儀錢塘諸生性慷爽美丰儀目光炯  
炯與人不翕翕熱家貧授徒聲雋一贊

酒後高談傾座  
辛酉城陷被害

讀書能作達絕口不談文絳帳收經席青帘策酒勳傷時巢

幕燕玩世負山蟲誰料崑岡禍身隨玉石焚

顧子真公子鏐年少美丰姿讀書多所涉獵不以科  
第為意父碩甫司馬早世與余為總角

交得詩輒商可否庚申劫後移家海鹽君獨留  
辛酉被圍先作絕命詞見志及城陷不知蹤迹

初歷紅羊劫猶吟白雁詩庚申秋君有隨身書一卷寫意酒

干卮獨客思親淚危城絕命詞故交各千里痛哭夜臺知朱

蓮卿客中州譚仲修客閩中二君  
寒士皆見愛於君時荷存問者

蔣賓梅文學

恭亮錢塘諸生工詩詞已付刊性灑落嗜酒不羈嘗僦居湖上與夫人陳湘

英相倡和庚申劫後夫人先沒與族弟藹卿同居

欲避吳山警因為越水行幸無妻子累難得弟兄情老去傷

詞伴狂來狎酒兵薄遊人不返湖上冷鷗盟

鍾震來文學

土奇錢塘諸生工書尤精鑒別辛酉城陷罵賊死

書法追西晉臨池筆有神束修如好女貞吉筮幽人落落湖

山社

嘗與錢耐青李節詒范厚庵毛西堂諸君湖上結書畫社曰解社

依依煙水鄰

庚申後徙寓越

中與余密邇

篋中金石錄悵悵付荒榛

許華亭明經

五辰錢塘廩生性樸訥對人口吃吃不吐及縱談經史滔滔不窮凡詩古文詞

屬於應制者靡不工辛酉既脫難明年遊滬半年病死

滬城相薜若握手話流離不飲學髡醉好諧稱朔飢依人才

佼佼對客口期期出險仍黃土斯人數太奇

謝厚齋文學

龍光仁和諸生性誠謹家居課徒不汲汲於進取辛酉為賊脅行至唐郵死之

文場同角藝舊侶半蕭條較我十年長別君三載遙愁顏塵

土改傲骨劫灰銷淒絕唐郵路吟魂不可招

汪雨芸廣文

國珍曾署慈谿訓導博學強識經史皆成誦性好酒不甚束修老父八十餘里

居侍養城陷為賊撈掠死

詩人比鄰住晨夕許盤桓手筆驚名宿頭銜稱冷官生嫌塵

海窄死戀醉鄉寬老父八旬外悲涼誰撫棺

城陷時封翁方病子婦皆不得

顧

### 晚過大明湖

金碧樓臺入畫圖水光山色曉模糊客行竹外不相見人在

蘆中如可呼鷗約重尋秋色老雁聲遙遞旅愁孤鐵公祠畔

斜陽冷煙際歸舟認有無

余將北行省梅招同人餞別沈氏齋

海角棲遲尾畢逋遠鄉怕聽夜嘯烏嚴城初復人煙少故苑  
重來客夢孤回憶前塵驚歲月且燒殘燭話江湖尊前莫負  
團欒樂明日扁舟又戒塗

空院無人繡綠苔殘梅零落小桃開十年舊雨盟鷗聚二月  
春風社燕來身世已判常道路妻孥同是隔泉臺臨歧怕作  
悲酸語擊筑長歌易水哀

聞官軍克復金陵

南都佳麗地從古帝王州竟爾遭秦劫公然劃楚溝時清妖  
霧斂數盡歲星周天上將軍下奇功一戰收

滔滔建業水業業石頭城誰料樓船下都無鐵鎖橫荒陵消

虎氣廢社擾狐鳴從此勞師旅兜鍪蟻蝨生

小醜跳梁始甯思占大都寘薪謀不愼滋蔓勢難圖虎踞今  
爲烈狼貪古所無鄰封馳羽檄遺毒徧三吳

頻年橐鼓警師老卒無功園府錢刀竭閭閻杼柚空妖氛連  
海蜃士氣弔沙蟲民力東南盡誰憐集澤鴻

天心能悔旤併力掃豺獮大將方摩壘孤軍敢負嶠勛名麟  
閣畫財賦鹿臺輸

帝德從寬宥惟將大愆誅

爾眾眞烏合終成累卵危焚身悲象齒掩面泣蛾眉竟擬主  
棠僭原知斧鉞隨逆鱗無漏網狂悖果何爲

燕子磯頭立波濤滾滾忙六朝爭割據千載話興亡花月長  
千里江山古戰場十年悲劫運一局小滄桑

炎漢申興日宗周再造年潢池皆赤子薄海復青天撻伐功  
臣表流亡野史箋小臣學饒唱作頌擬甘泉

讀謝枚如孝廉章鉉詩即贈

傳家詩筆自宣城況歷西陲萬里程直欲正聲追漢魏何嫌  
豪氣帶幽并好遊轉戀他鄉樂任達差爭濁世名我讀瑤篇  
久心折騷人從古例多情

吳文漪

字潛珉號抑亭海甯歲貢著東海鮪生幻影編

薛時雨序略潛珉生初白之鄉於敬業一集不啻童而習之故其詩體多藻密亦與之近會東南兵事起浙西郡縣全陷君轉徙烽火之間窺伏虎狼之側流離艱險多人所未歷者故發為歌謠悲憤蒼涼體格一變

孫吳戰鼓歌

鼓在海鹽金粟山寺

古桑合抱形嵌空良工琢就精磨礪赤鳥改元製造始覆以  
犀革蟠蛟龍當日軍威助赤壁轟雷驚走千艘幢援枹疾擊

萬谷應靈鼉夜吼長江風南軍鼓噪舳艫折喧闐震地輝流  
紅想見老瞞姦魄禡三搯或與漁陽同方意一鼓入京洛乘  
勢席捲中原中豈知奕葉勢不振剝皮鑿眼徒頑兇征孽一  
旦逼京口樓船直下臨江東麗譙無聲石城破鼙鼓那復嚴  
軍容不及臨平一拳石猶聞桐敏音鼙鼙摩挲故物執守護  
轉眼淪落梵王宮惜余嗜古生苦晚覩此斑駁黃埃封模胡  
莫辨篆刻字崇牙植立猶穹窿雨淋日炙不剝裂上方叩擊  
隨鐘鏞吁嗟乎吳郡玉璽委荆棘國山石圉埋蒿蓬鼓兮鼓  
兮閱今一千六百五十有餘載安保遺器垂無窮君不見神  
物古有不朽者岐陽殘臼南康銅

吳仲圭墓

野椽遙連壞塔撐一椽高隱想平生回家獨數禪林妙八景

誰誇綵筆成

有嘉禾八景圖地多畫家在嘉禾

綵筆村孫家浜

瘦石苔封疎竹冷荒

庵月落古梅橫

墓在梅花庵側墟竹石刻尚存

道人一去今誰問遺墨空留

身後名

讀內經書後并戒同人

用藥如用兵鍊方如鍊將兵不為將用出師靡所向將不能  
 馭兵主弱敵反抗我昔靈素誦志肯扁盧讓美疾投惡石年  
 少矜膽壯一二偶小效頗謂等良相豈有濟世術而乃不自  
 量古人重和緩命名義各當息心氣先調切脈理細訪體察  
 雖入微猶恐或孟浪毫釐判生死人或由我喪未飲上池水  
 焉能洞肺腑兢兢寸尺閒瞑眩謹提防良醫自古難但願民  
 無恙勿藥幸有喜慎疾自无妄未達不敢嘗聖人豈我誑書  
 此藥石言同志慎莫忘



大慈山觀古藤

蒼龍騰擊不可攬天矯盤雲露頭角夜深風雨颯然至怒挾  
奔雷竄空谷山神恐洩造化秘攝入幽巖傍喬木靈泉灌溉  
性亦馴化作亂枝鱗爪秃至今偃臥絕壁下古榦輪囷互起  
伏一枝拳曲橫松巔一枝飛度繞山麓枝枝合抱作連理倒  
挂仙根穿石腹破空兀立幾尋丈樵夫運斤不敢劖得非性  
空禪師來茲山卓錫山前僵不匄運以慧力靈氣騰枝葉扶  
疎蔭平陸我欲削作靈壽杖健步九溪及三竺著手摩挲駭  
且走陡作風濤撼茅屋霹靂一震破壁去依舊飛騰入巖壑

徐禮堂

字定生號琴甫鴻蘆子  
海甯諸生著息園校學

鷹窠頂觀日出

天風獵獵雲冥冥殘月曉暉明長庚我來振衣最高頂攀援

頓使孱魂驚天雞未曙羣雞噤不鳴但聞澗水澗松風并  
四圍惟界霧氣白半角微露天宇青是時纔得辨十指奇光  
漸覺金繩明一輪忽躍海底出頓息燭火驅晨星盪摩霍霍  
恍有聲欲上不上光晶瑩微溫著膚凍欲釋鼂采決背視不  
瞠九十九峯迴青峭曉妝互把煙鬟爭俯視州城渺如粟萬  
家秋夢扉猶扁勝游奇景足豪舉盪胷陡覺層雲生日躡時  
甫次龍隴海水正縮鯁波平清時瑞應定不乏重珎合璧祥  
應呈會當更躡巨鼈背拜手來頌寰瀛精

歲暮雜感

莽莽愁難遣怱怱歲逼除徒然成老大空復惜居諸寒日淡  
平野早梅香做廬紛紜集塵事相對孰華予

各有飛騰望偏教歲月淹愁深親漸老癡甚俗爭嫌辛苦搬

薑鼠艱難上竹鮎靈氛如可叩竟欲析瓊占

乞食陶元亮登樓王仲宣古人多濩落時命況速邇計且爲

親屈身甯博眾憐迴思蓬矢意投筆一瞿然

陳

浦

字娛耕號笠舟嘉興廩生筭百尺樓詩鈔

遊德勝禪院贈祇園上人次韻

已識胥山面還來謁遠公斷崖纏古蔓落葉亂秋風船倚危

橋泊門從曲徑通煮茶談不倦一洗俗塵空

吳

鑛

字鐵士號石屋山人晚號達安老人海鹽諸生

許莊祥曰鐵士工丹青善寫花卉深得南田筆法

七十自述八首

錄二

燒丹鍊汞竟何成海上神山浪得名有藥可醫人不死秦皇

漢武竟長生

鬢鑠精神七十年  
旁人喚作地行仙  
一端恐被仙人笑  
尙要人閒賣畫錢

丁士諤

字子羽號野鶴歸安諸生著雙桐軒詩鈔

湖州詩錄三編子羽爲月河第三子幼承家學長從施均甫游施論詩一以唐賢爲宗子羽能得其傳故其詩多風雅正聲不墮蛙聲紫色之習與鍾奇年輩相若謬承推許引爲同調且賞奇析疑多所砥礪今修文地下已十數年矣遺編重展能無慨然

秋日與王小摩遊城南諸山

閒步尋山谷  
城南路未賒  
寒林起暝色  
秋水隔蘆花  
樹靜元蟬咽  
沙清白雁斜  
玉湖回眺處  
天表尙飛霞

遊道場山

偶然出郭訪  
煙霞數里青山  
一徑斜雲外  
高松盤鶴鶴巖前  
飛瀑走龍蛇  
香生石壁垂  
瑤草春老林  
亭落澗花日暮不愁

歸路遠玉湖涼月喚漁槎

薄暮登峴山

渺渺孤峯落照餘無多林木盡清虛半溪漁火連菰浦幾處  
炊煙起草廬秋水白蘋人去後西風黃葉雁來初掃苔爲記  
窻樽迹好把松醪醉石渠

登大觀亭

落日蒼茫下遠汀秋風獨上大觀亭無邊楚水橋前白不盡  
吳山郭外青滄海幾回悲戰血江流千古咽奔霆詩成寂寞  
寒雲裏吟與蛟龍水底聽

偶成

看春異地最愁予誰向吳江問起居憶得故鄉風味好冰盤  
三月賣鱖魚

雲溪寺納涼同勞季言先生格

遙聞鐘磬響野寺入幽林六月涼如水松風古殿深煙塵餘  
樂土邱壑豈初心坐久清言絕虛廊聽梵音

俞紹萊

字廉石德清人候選道

潞河留別

破廨三閒雀可羅閒官風味似頭陀稻梁自笑生資絀薑桂  
終嫌辣性多呵壁左徒狂未改負書劉魏愧如何祖鞭陶甓  
渾拋卻一卷靈蘭遺病魔

董

字仲廉號震軒鄞諸生著繼耕詩鈔

董沛曰震軒事余甚恭無愧悌弟同鄉宋蓮叔洪筱蕪  
徐柳泉諸君交口稱之能詩兼工駢體文治虞氏易而  
不取其卦氣亦非墨守者比也

高尚澤懷賀祕監

先生歸去來到今已千載林泉高尙風蕭然絕人外古樹交  
枝柯屏山作圖畫下有溪流聲悠悠送天籟游魚靜不驚葉  
荷立如蓋盟此白水心濯纓清可愛羣流急趨下誰能知勇  
退西望嚴子陵獨坐客星灘

泊城山渡

暫向江干泊秋宵月正明歸途惟獨客霸業此荒城淺渚酣  
鷗夢遙村警犬聲離家無百里鄉語倍關情

江上聞笛和家兄元韻

西風蕭瑟客心愁吹老蘆花盡白頭赤壁酒酣逢李委綠林  
夜靜阻閭邱濤翻千里鶴窺檻月落一聲人倚樓倒峽洪流  
東去也漫誇鐵板唱黃州

錢澍孫

字西箴

籍貢生官廣東

同著蔭廬詩存

次韻贈別友人出都

握手天涯別感同一肩行色太恩恩薦瓊李固知難覓弔屈  
長沙遇本同潦倒江湖惟爾我飄零書劍復西東匡廬得避  
漁陽警舉酒抽刀氣尙雄

江城蘆荻冷蕭蕭驛路歌聲發短橈燕北秋風雙鷲下嶺南  
春雨一帆遙天涯遊子空羈滯渤海音書久寂寥況復故鄉  
離亂後秋來烽火未全消

潘紹周

字允建號磐石東陽歲貢著磐石詩草

張春珊曰先生與次孫世諧同遇賊被繫先生絕粒罵賊殉難次年春世諧以計得脫述先生先一日語曰此子絕筆也汝謹藏之  
尚有詩若干惜已佚  
胡鳳丹曰先生於同治壬戌不屈死年七十四

襲衣帶詩當絕命詞



讀聖賢書學何事孔曰成仁孟取義從容慷慨祇一死浩然之氣還天地

金曰修字少伯應麟子錢塘人同治

張濬萬撰墓表公以丙午優貢入資為內閣中書中乙卯鄉試乙丑會試補起居注主事兵部員外郎入直軍機居官無所唯阿遇事直陳引疾歸主講蕺山書院數年亦謝去默居泊然縱觀羣書扶掖賢俊射儉約而助軍餼濟困乏斥金無算嘗獨力除道自富陽達新城五十里平以石行者無病又嘗取故人孤子女育教婚嫁委曲成議敘加道街

題竹舟松生兩姻丈書庫抱殘圖用少陵漢陂行韻

西湖晴好雨亦奇孤山宛在水滿陂

文瀾高閣接霄漢照眼翡翠黃琉璃停舟叩閣肅衣入萬軸

牙籤甲乙集人閒始信有娜嬛十年來讀嗟何及雙丁抱圖

為我開紙上變色風生埃山殘水賸圖籍散書生大瞻探奇

來虎豹狺狺險莫測斷玉零珪無暇拭抱歸兀兀西溪濱夜  
午潛行月陰黑洗兵雨淨故鄉山書卷終留天地閒校讐太  
乙夜吹火典守龍威晝閉關如延津劍合浦珠補亡挾册羣  
工趨藝林嘉惠賁

天語范鮑而後世所無我佩兩君有獨至不僅區區抱殘意  
斯人不出蒼生何爲善一鄉亦足多

薛德恩

字季馨山陰人番禹籍同治乙丑進士官刑部主事

緝雅堂詩話季馨爲先兄撞商君乙丑同歲生與余兄  
弟交誼甚密性情溫厚文采騰茂通籍後或以不入翰  
林爲惜季馨顧淡如也在刑部習律精熟譚端恪公深  
倚重之竟以微疾歿于京邸家極貧同人集貲送喪歸  
里其妻汪氏艱苦貞一自季馨亡後早晚詣木主奠酒  
幾二十年所奠之處入甑痕寸許今歿已數歲待

旌于朝

秋日同潘任卿 衍黎 嶧琴 衍桐 張蘭軒 清華 延秋 兆鼎

宴集陶然亭以林園無世情爲韻分得清字

京華勝冠蓋邱壑心所營江亭隱秋葦聯袂招羣英潘張南  
國士才調何觥觥豈必誇二陸棲身在蓬瀛聖童獨不偶謂  
秋慷慨呼酒兵人生百年耳所貴不朽名嗟余滯薄宦骨月  
難合并賴茲忘年友梅礬相弟兄疏柳已斜陽忽聽白馬鳴  
盛會終復散慨然動深情

黎先生蓮鬚閣故址

今爲豪賢街  
番禹梁氏園

一閣倚斜陽詩人姓氏芳艱難成大節師弟有文章

先生爲  
陳文忠

子公弟舊社誰重啟新居此有光君家富書史閒與拾香姜

沈成烈

字筱嶠蕭山人同治乙丑進士  
官兵部主事著許開山館詩鈔

孫德祖日君精楷法善畫蘭石兼解琴理能圍碁詩其  
餘事亦自清曠可喜由庶常改官攷取軍機章京卽告

養歸不復出

高尚士也

獨夜

書帷燈盡夜寒時如此風光許我私竹影上牆成妙墨月明  
滿地助新詩酒當醉後愁都破吟到狂來冷不知好景留人  
眠未得天高霜落漏聲遲

題畫水仙花

小立亭亭玉一枝繁華早已洗胭脂凌波綽約情如訴出水  
輕盈俗可醫最好冷香和月色不爭時樣自風姿孤山祠宇

今何在菊井寒泉薦亦宜

胡鳳錦

字肖梅號嘯咽晚號敬堂仁和人同治  
乙丑補行辛酉壬戌舉人官宣平訓導

家傳略先生少好屬駢體文奇氣奔放以入干言諸葛  
忠武論與趙搗叔訂交以五千言商鞅趙高論與高茶  
庵訂交嗣是扁試詰經精舍三人者不罄其卷不已曾  
試西湖懷古賦各數千言日晡攜手出就酒家劇飲大  
醉湖隄嘯傲竟夕其振奇跌宕類如此晚年一洗紛華  
潛心經義終日考訂不少鞅深入漢儒堂奧辛酉之變

閣門飲醯求死惟先生生遂得哮喘疾卒以是戕其生  
著先秦書發墨守證六書音義原始敬堂雜俎敬堂文

集詩

趙搆叔寄贈貴州紅崖碑釋賦謝

秦碑漢碣猶易逢成周以上難尋蹤不見永甯州境東炎荒  
日照紅巖紅古文山脇奇嵌空痕無斧鑿疑鬼工呵護勿令  
苔蘚封字青石赤光熊熊懸崖一片高隆隆路除猱升疇上  
衝有人架木登穹窿手捫如造岫巉峰凸凹匝堅於銅施  
以氈蠟搗一通大三四尺體既豐小者尺餘氣亦充深五六  
寸廣數弓形模迥出篆籀叢非魚非鳥尤非蟲又非符籙雷  
火風方圓脩短殊纖穠八行諦視迷雙瞳誰其識者無揚雄  
賴有鄒子考鼎鐘六書貫串參叔重證諸虞翻及宋衷釋文  
一卷開羣蒙

鄒叔績徵君文集有紅崖刻石釋文一卷

此石當屬殷高宗鬼方梁

入經梁雍刻石於此事紀功維踣秋始由由終刑威讎虐言

戢凶迺還貞方代不其二十五字留南中世方尙質其文從

解人難索眾口必謂當諸葛營旁容誤將商刻歸臥龍誰爲

州志傳書傭載諸篇首誇覆幪黔書沿誤何夢夢怡笑紅豆

山莊翁不知丞相方鞠躬征南過此下拜恭蠻人世守石未

攻晴雨瘴疫占山農歲時致祭不日彤流傳千載含蔥蘢黃

沙莽莽赤土壅無知異說嗤倥侗稱王殷武文推崇夜郎自

大王庸庸或云字數漢將同上應列宿象紫宮紛紛蠻語胡

足從側聞邗相分詩筒邗春浦相國嘗與同人賦之未及訪碑鬱寸衷又

聞黔語編吳公吳仲筠制軍黔語載此碑宦游購得酬巴賓珍藏縮本經

春冬什襲恐遇鑽紙蜂雙鉤相較差玲瓏字僅寸許非寬洪

點畫亦復殊橫縱莫氏好古羅心胸莫子愚微君有詩贈鄒曾與石友

相磨礱明誠後人搜訪窮碑籙所闕今彌縫八十一家同牢  
籠傳觀眼界豁霧霽敢辨真贗慚昏膏幸哉古碣長龍崧會  
蠟雙屐支一筇與君攜手黔黎中

觀潮歌

禁用水傍字

韜光山色連天青雙虜遙對鼉子肩南龕北赭陡相束鴟夷  
迸起靈胥靈白馬駕鞭逢怒發不欲吞吳欲吞越碎訶朝夕  
鎮無休壯觀尤宜誇八月八月十八西風寒樓登疊雪眼界  
寬塘上遊人聚如螳羅刹變相萬目看初起依稀牽一綫曳  
長化作空中練須臾突兀擁銀山聲動轟雷光掣電兔起鶻  
落千丈強魚龍曼延去同旌旗颺六丁驅過富春去雲垂莽  
莽煙蒼蒼犀弩銷磨今不用往來賸有羣兒弄小舟如葉逐  
飛花出入中央解迎送送迎慣狎陽侯驕尾閭吐納收迴颿

樟亭瞬息驛門寂望望不見蓬壺遙夕陽倒影搖眸子極遠  
窮高歎觀止者般景象夜尤奇留向月中看未已

南湖懷古

艮山十里春無主何處趙家乾淨土賸有煙波向北流洗盡  
繁華冷鷗渚城隅勝境記當時風月無邊管領誰聞道將門  
出才子獨收新景入新詩賞心樂事家家有爭似王孫清福  
受自乞閒身桂隱居疏狂一十四年久蒼寒玉照華堂開二  
百青松四百梅最好泛舟逢二月星槎穩坐放吟懷吟懷此  
地尤心悅挑菜觀魚還賞雪燕游次序儘蟬聯四并集成歡  
不絕一般富貴擅前朝韓相名園史相橋彈指都隨天水碧  
林泉空自屬詞豪

說劍



能名干莫幾青萍言厲蒙莊姑妄聽斫地鋒寒階下夢翻瀾  
氣吐酒邊腥五都酬價千金值三尺論功百戰經指點來丹  
休苦誚當年宵練本無形

說鬼

簿點秋墳誰最工離奇結撰徧虛空一燈屍閃風中黑雙袖  
摸胡月下紅信口畫圖摹道子快心嬉笑媚坡翁揄調語  
聽來慣何用高文爲送窮

金肇麒

字杏元號蔭園仁和人同治乙丑補行辛酉壬戌舉人

張大昌曰蔭園丈原籍休甯以商籍食饑郡庠績學工文年逾強仕始領鄉薦晚年貧困入書局警校以終

聽園感懷

無計商量爲解嘲十年辛苦枉營巢依然垂老無家別柳眼  
青青是故交

盈盈春水漾簾旌池上開窗一榻橫一專老來差自慰異書

入手眼猶明

王鼎祺

原名耕字伯由號稷堂仁和人同治乙丑補行辛酉壬戌舉人

黃兆斯曰積堂幼承庭訓循謹嗜學設帳傳經多所造就

游錦屏庵

新涼人意健乘興入山中有寺不知處鐘聲疑在空危坡難直上小徑得旁通試過竹林去回闌半露紅

毛鴻飛

字雲達嘉興人同治乙丑補行辛酉壬戌舉人選授慶元訓導

白嶽庵詩話孝廉大挑得知縣請改教職任慈祥好施子禾俗有緩葬之風嘗仿楊園先生邊同人舉葬親社

約一時賴以歸殯者甚眾

寄懷故鄉往還諸子

紫蟹青菱正及時儂家生小傍湖滄鄉園別久渾無夢但到

秋風寄一詩

金陀坊裏夕陽低猶記尋春到水西燈影江湖十年去呢人

愁見草萋萋

金鼎升

字菊怡嘉興人同治乙丑補行辛酉壬戌舉人

家傳略菊怡早年失侍事父有孝行客授于外歸必為父滌廁踰依依孺慕能體親心父死于寇冒險走荒郊為之薤葬言之輒為嗚咽洵篤行君子也

秋館攄懷

鶴唳風聲旅夢驚起來危坐剔孤檠病根似草芟難盡愁思  
如潮壓未平漫說硯田無惡歲可憐兵甲阻歸程如今漂泊  
長為客半卷南華了此生

吳世晉

號晉卿秀水人同治乙丑補行辛酉壬戌舉人著語鶴樓稿

吳受福曰晉卿天才雋拔少負文名性豪邁不拘小節洎丁庚申之劫居恆侘傺亂定捷於鄉體素羸年未四

十以療疾卒士林惜之所著語鶴樓焚餘草前  
綴駢體自序蓋作於亂中者多激昂變徵之音

芳草篇

東風無賴鶯嘯驛戰血經年土中碧江南芳草繡如茵夢斷  
西堂劫後春春令原上思歸客鷓鴣一聲行不得漂泊天涯  
總寄生青衫相對無顏色春來春去有推遷轉綠回黃年復  
年香豕青青最蕭瑟白花飛蝶玉成煙

壬戌述懷

惆悵平生莫我知美人香草寄幽思南冠濡滯吹簫客北海  
飄零賣餅師門內有誰憐阮籍曲中久分失王維杜鵑不解  
人潦倒常向東風唱別離

譚逢仕

字癖雲石門人同治乙丑補行辛酉壬戌舉人

屈元熾曰先生性抗爽廉悍望而生畏教授後進有法  
造就甚眾光緒己卯纂修邑乘先生與有力焉喜為儷

麗文尙  
未刊

冬夜

鼓枕不成寐夜深寒轉加  
模胡詩夢短落拓酒懷賒  
布被僵如鐵穰鐙凍不花  
遙憐戍樓上更鼓已三過

毛

琅字正瑛號溪芷鄞人同治乙丑補行辛酉壬戌舉人官石門教諭著蜀紅吟館文詩草

夏至後二日自南郭附舟至舊寓響巖李氏莊作

犢子歸闌宿鳥喧漁郎今又到  
桃源青溪架石通花徑綠樹  
添陰失葦村未免有情人問訊  
似曾相識犬迎門宵深頻剪  
西窗燭世事滄桑子細論

同王舍人醒吾陳茂才聖湖清甫盛司馬卓生遊天童

山

放權出城東長河返景紅扣舷清唱發  
盛善把盞夜談雄  
聖湖

善飲山影低篷月波聲挾岸風定應今夜夢飛入萬山中  
幽居忽不樂登臨良所欣一徑入蒼靄四山堆白雲巖花迎  
客笑泉響隔溪分香積飯應熟齋魚寂未聞

### 登梓蔭山

蛟門雄險控明州今上屏山試壯游繞郭嵐光浮百雉到關  
帆影渺羣鷗南來飛雨林梢過東指殘虹海底收擬向候濤  
高處望更將目力盡滄洲

孫惟溶

字子蘭山陰人同治乙丑補行  
幸酉壬戌舉人官烏程教諭

施繼常曰惟溶及楊觀治同時為湖屬校官觀治每之  
郡必就之劇飲言笑此詩錄自楊集蓋亦隻鱗片羽之  
者僅存

次韻奉和賓于五十自壽詩再題一截句

幾幅雲牋屬和遲尖又韻險費尋思吟魂瘦盡無人覺贏得

梅花笑我癡

章鏡清

字廉叔號恕菴會稽人同治乙丑補行辛酉壬戌舉人候選知縣署五雲山房詩鈔

讀故人曹朗齋遺作感賦

鬢舍談經舊擅名建安風骨本天成曹娥碑在題絲色越紐  
書存識米庚顧我每思揮塵日悲君空切羨魚情祇教身後  
存遺稟肉食無緣到管城

來

成

字又峰蕭山人同治乙丑補行辛酉壬戌舉人候選直隸州州同

黃福楸曰吾師幼而岐嶷長而博學性尤和藹著有槐蔭軒詩稿

題甬東顧雲千松關晚眺圖

我聞天童山勝境出塵壙重巖闢紺宇宗風暢無外頻年夢  
林壑寤想縈松檜槃槃顧公子襟抱拓爽藹幽棲厭塵市清  
遊屏軒蓋蠟屐追昔賢聽濤寂眾籟龍吟起空谷了了參梵

唄心如古月淨身若閒雲  
靄回首望諸峰空翠落衣帶興往  
有餘戀丹青妙圖繪煙雲落尺素  
恍忽聞湍瀨揮毫愧珠玉  
眼福向君句

孫葆激

字元匡嘉善人同治乙丑補行辛酉壬戌舉人官鎮海教諭著經義集考說文審音

題錢叔美杜

白門秋思畫卷

楊柳可憐綠西風殘照  
酒邊頻撫劍花外偶填詞  
寂寂繁華夢滔滔江海思  
披圖觸遊興莫遣挂帆遲

胡玠

字介年號桂樵瑞安人同治乙丑補行辛酉壬戌舉人著脂雪軒詩鈔

王堃曰孝廉博聞強識論史事口若懸河人無敢與難  
者詩尤敏捷能對客揮毫嘗舟次申江頃刻成翰舟感  
懷七言律八首同舟人疑其宿構旋以他題試乃驚歎  
性嗜酒晚年得足疾一應春官試後遂家居不出家有  
花木園林之勝友朋觴詠人以馬氏小玲瓏館擬之卒  
後檢得古今體詩千餘首余弟彥起為之編定凡六卷  
尚有清畏堂古文六卷  
半房山莊駢文四卷



青田晚行

沙語咽蹲石木聲淒以乾涼露滴襟袖清風生薄寒排雲雁  
影度得月蟲聲酸咫尺故鄉水輕舟又上灘

小玉帶生歌

贈王聲木上舍明林  
任先學士遺物也

楚狐登座明社屋新人迎拜舊人哭吾鄉先達濟南公甯死  
受刑不受祿蒼天有意護孤臣三桮三夾全其身不然陳魏  
覲然亦人類何乃殿前殞命等微塵公誠求死不得死痛哭  
披緇歸故里相隨但有玉帶生文山遺硯頗相似黃胞白絡  
腰圍金紫花浮墨松雲沈光不炫目出土久膩不留手入水  
深公不死非公意五藩蠶起不再世硯兮硯兮上之不能殺  
賊代書露布文下之不獲表忠寫入祠堂記閉門臥老皇親  
縋城出中貴人吾輩富貴原自在斯言千古同怒嗔公不及

步文山之後塵猶足以愧要津追遺民硯亦寶貴無等倫此  
硯當時稱得主此硯今日未入譜二百年後歸君家毛公楮  
生相參伍君得硯兮硯得君右軍大令世清芬否則石渠虎  
觀揚鴻文否則騷壇吟社策殊勳汾泥漳瓦何足云嗚呼汾  
泥漳瓦何足云

梨花

東君著意鏤璠姿曲院深深見一枝銀箔不禁風料峭春陰  
滿地閉門時

游程氏廢園

斷橋互曲澗積葉高於邱豐草掩臥石喬木扶危樓石罅稚  
竹出寒蟲鳴啾啾天地一俯仰古今孰去留回首望城闕落  
日滿林陬

山居

孤鳥刷稀羽集枯悵所依疏條漏朝旭時見林中輝豈不愛  
深蔚無力難高飛浮雲出遠岫未倦先思歸川流淨如拭可  
以療宿飢窮達行吾素貧賤安足悲

哀官守

朝廷一寸土付汝與汝主小吏承風大開府吁嗟逆賊勢如  
虎將軍不奮武健兒不成伍臣生誠無補臣死猶節取臣子  
臣孫世簪組

哀逋亾

江上兮弄潮湖上兮逍遙臨安烽火心膽搖棄家行遯眞無  
聊爭門不及相招邀有兒脫輕綃有女擲金翹窮途伍楫簫  
高士許由瓢黔面鰲首容華銷回頭遙望西泠橋賊來兵先

囂賊去將愈驕嗚呼家破人不饒嗚呼何似家破人不饒

秋夜宿綠竹新居

殘月三更酒半醒紙窗風幌一鐙青  
豆花棚下涼如水絡緯悲秋不忍聽

輪舟感懷八首錄三

千里津門瞬息回瞳瞳日影舵樓開  
御風列子雲中走貫月張侯海外來  
近岸城關森劍戟隔江鐙火見樓臺

中興寰宇鯨氛靜引領奎光耀上台

十年辛苦抵京華緩緩歸來陌上花  
溟澥路通箕子國樓船製近呂公車  
燕齊回首餘三島胡越同心竟一家  
我欲高歌凌玉宇江東誰與按銅琶

華夷相習漸相安畢竟同舟膽尙寒

國計權宜通市易戎心倉猝絕交難誇張茶馬誰長策鎖鑰  
門庭祇具官有路請纓酬壯志立功何處不樓蘭

閱邸報作

明月城頭萬帳開長江滾滾怒溝來關中近議爭河套都下  
新聞罷露臺防海空留增竈蹟乘風誰是濟川才南天一角  
櫓槍淨河漢秋澄試舉杯

夷獠同居釀禍胎東征又欲奏平臺屯前有地山河蹙海外  
無天日月哀開壁臨淮非怯將饒歌士則況通材江城新補  
中興頌馬上梅花露布來

朱志成

字彛成號萊雲仁和人同治乙丑  
補行辛酉壬戌副貢官蕭山訓導

許仁杰曰辛壬之亂醜骨山積萊  
雲司訓蕭邑奉檄掩埋任事極勤

丙寅九秋送試越城題王叔羹觀察山陰道上圖

我懷孔北海文酒娛休沐我企謝東山林泉寄絲竹高風今  
幾人名韁半羈束別有應接忙輒紅趨僕僕每歎軒冕榮未  
免風塵俗懿哉太原公捧檄來句曲大吏重軍需借箸資商  
摧官山亦府海鹽鐵歸筦權雲帆遠飛芻星旆趣輓粟公才  
自槃槃駕輕而就熟時還讀我書形匪勞案牘稽山鏡水閒  
相羊展鏡矚春秋佳日多蘭亭觴詠數煙嵐濃點螺雪澗寒  
漱玉競秀與爭流引人迭往復大令昔曾遊家風公可續妙  
手倩倪黃豪情付畫軸披圖感我懷華胥夢初覺故鄉好湖  
山斜陽走麋鹿風景劫灰餘尙留眞面目冷官滯蕭然鄉思  
飛三竺差幸託併幪詩筒來相促何日買扁舟到處陪芳躅  
秋水歌溯洄江冷楓初禿遙想鯤鵬游風雲九衢踔

癸亥六月寓蕭山南鄉瞿氏醉經樓賦贈

焦土猶存池館新，天將閒福付幽人。身除耕讀無餘事，地占雲山不厭貧。近況難言都易感，故鄉入夢總非真。眼前還是田居好，底事浮名逐世塵。

登樓王粲已無家，況是興亡到處嗟。四海荒煙餘劫火，十年生計屬桑麻。平林日落蟬聲噪，別院風過燕影斜。咫尺鄉園歸不得，蒼茫雲樹隔江遮。

董慎言

字仁甫，仁和人。同治乙丑補行。

辛酉甲子優貢，著憶雲樓集。王獻書曰：仁甫承庭訓，勵品積學，說經鑿鑿。詞章尤美麗，大亂初夷碑版之文，半出其手。

讀賈長江集

東坡詆鳥瘦無迺，同吹毛讀詩論其世。變格緣所遭，當時尙浮豔。命旨乖風騷，矯俗出鐵削。若回急溜箭，遊神寥廓間。冥搜奚辭勞，初味似僻澀。爽口輸霜螯，諦翫乃卓峭。格力逾羣

豪愧非李才江仰慕落殘膏鑄象日苦吟家貧任嘯號維誦  
不釋手痛飲白墮醪

客或疑我言推崇實虛語得毋嗜好殊真偽混璞鼠豈知詩  
與文一例寫臍腑意固尙渾灑字亦待烹煮譬彼楊子雲文  
詞極奇古後有樊紹述筆墨自歌舞俯視茶靡輩唾棄直如  
土鞚悅縱纖華潔終遜縞紵持此論公詩不負搆思苦掩卷  
緬伊人長江一窮旅

豆豉用樊榭老人菽乳韻

敕廚供餠饌醒酒登侯鯖籃瑚備陸海食單時閒評寒儒嗜  
澹泊未辦牙閒鏗別試幽菽法攤罽淨且精若橘絲瓜縷細  
剝刀如并配以玉鹽潔漉以瓊漿澄封以箬蓋碧糝以椒珠  
蕪萍齏蘆菹鮓釘座盤齊盛醞釀醬共造醪醕葵俱烹樊翁



擅妙製康伯稽芳名宋玉稱大苦作註煩後生加薑酢飴蜜  
味雜辛甘行楚辭九辯大苦醜酸辛甘行些王注大苦豉也  
言和以椒薑鹹酸飴蜜則辛甘之味皆發而行  
也薄煖蒸瓊益如灌醜醜清蕁羹下鹽豉千里思江城五味  
資調和廚下煩婪棋屑榆試甌粥美比醜蕘羸夜槽正壓酒  
撤笏頻聞聲齊民有要術瓦缶同經營

明宣德年戲金蟋蟀盆歌

君不見天寶宮玉枕函畔黃金籠又不見秋壑館悅生小印  
雕盃篆怡情更有明景陵詔書旁午微蟲徵收進宣窰開果  
廠澄泥盆子製極新柴定哥汝非其匹花樣戲金最精絕金  
屋嬌娥把玩頻不數別紅與填漆憶昔宣德建元初勵精圖  
治開鴻模嶽嶽三楊秉樞軸鬪雞走狗淫風無底事宮中好  
遊戲貂璫四出齊縱恣珍禽名馬假虎威誅求更及么麼細

如何周況謬諤臣作貢乃借幣帛陳錦段紅鈴金束帶奪標  
賭彩忙妃嬪我聞漢王貧負固螳臂力撐肥壤據蒼頭特起  
奮蝟毛紛紛鼠竄膏刀鋸又聞鐵騎征寬河喜峯口外拋瑠  
戈十二羽林探虎穴三千草寇化蟲沙奏凱還朝威德普從  
此官家心好武牙籠寶匣閒歡娛也列紅旗勒部伍翅展胡  
虺鉗鴛鴦飛將軍出銳莫當宛如蟻陣營細柳何異鷓軍出  
長楊震臂一呼張兩翼黃鬚兒正鬚如戟矯若松潘殲蠻酋  
突若朵顏塵雁磧吁嗟乎當時老將沙場征功名橫草時輕  
生猿臂不俟虎頭老金印斗大空請纓何若草蟲解逐鹿定  
州花瓷賜湯沐玉粒瓊漿飲啄調拱璧同珍長韞櫝

王鼎華

字塵庵一字鑄言秀水人同治乙丑補行辛酉甲子優貢官內閣中書

白嶽庵詩話塵庵工楷書恪守家法何太史紹基稱其入晉人之室非虛譽也

湖上晚眺

濃翠山四圍煙艇破秋色所思隔芙蓉援琴冷遙夕

朱孝起

字廉卿錢塘諸生著懷佩軒集

譚獻傳略廉卿孤貧能文章老成皆重之頗以窮愁自放時於廣坐語侵富貴人號醒狂蓋飲不盡一蕉葉也為詩摧落凡蠶曲達其哀思多古今人所末言遭亂走河南以客死高雲麟曰廉卿尊人諱致中甲午領鄉薦歿于津沽同年錢瑛經紀其喪廉卿秉性至孝輒以詩寫哀劫後尋母氏遺骸形於夢寐翌日得之遷葬先隴人稱其孝

述哀

甲辰春二月阿耶將北征淒淒戒徒御戚戚辭四鄰是時值困乏治裝殊苦辛典質到琴劔稱貸從交親但恐行不遂靡志在功名旭日照屋梁舟師已在門阿耶起言別顧我重遂巡二弟從我後羅拜當前楹拜罷捧耶膝不覺悲填膺阿耶

呼我送登舟其揚舲爲言別後事大任在汝身幼弟汝當教  
家政汝當承善事堂上母慈孝全其恩汝質旣不鈍汝性亦  
頗醇家有書可讀田有硯可耕及時勉進學守志在安貧無  
爲事游蕩自棄同硤璿我行非得已歸期未可論勉記別時  
言慰我期望殷長跪聽耶言哽咽不能膺胸中萬千言結轡  
徒紛紜行人重吉利欲哭不敢聲舟行一何速已至城東闔  
阿耶令我歸留連懼耶瞋別耶遂登岸岸側河橋橫徘徊倚  
橋闌忍淚望前旌前旌影搖搖篷底見冠纓此際一揮手耶  
心如轉輪耶心兒能知兒嘸耶不聞湯湯橋下水飄飄天上  
雲甯知終天恨祇隔一重城

金陵

營門落日大旗飄鐵甲生塵暮復朝羽檄未通揚子渡樓船

虛逐廣陵潮明知蠹木根先腐不信游魚氣尙驕百戰功成  
上麟閣漢家惟有霍驃姚

轉餉年來困度支直沽水落運船遲連營日費千家產憂國  
秋生兩鬢絲閩外風雲空指顧軍中鵝鶴尙逶迤傳聞有  
詔頒金節苦爲專征盼捷期

雜詩

東鄰浣紗女顏色芙蓉鮮練裙皎如雪荆釵長垂肩十五守  
空房顧影恆自憐西鄰誰家子寶馬珊瑚鞭傾心慕幽淑照  
眼驚芳妍誓爲比翼鶼肯作孤飛鸞媒妁爲將命不恤言辭  
謙寶釵用作聘價直盈萬千黃金百鎰重白璧三雙兼請女  
開口諾謂女得所歡再拜謝媒妁妾貌羞無鹽一顧不足當  
況乃厚幣先厚幣世所重不如恩義堅結交苟不深中路有

變遷君今大富貴下陳多嬋娟豈以蒲柳姿得被絲蘿緣感  
君暫相悅但恐終相捐還君七寶釵雙淚垂涓涓

媒妁出門去移時復來還殷勤致前命曲意求攀援誓爲比  
翼鶼不作孤飛鸞寶釵用作聘白璧黃金兼請女開口諾願  
女勿遲延沈吟前致辭離合本自天妾身實微賤君意長纏  
絲君心既有定妾意敢自堅釵鈿爲君整容色爲君妍微軀  
一相託永奉光儀前所期一心人百歲相周旋君亮執高義  
賤妾復何言

東南有孔雀雙棲珠樹枝人生結恩義相得亦如之旭日雞  
始鳴喜氣門闌滋簫管動繁吹駿騎如雲馳朱幡列羽葆繡  
幃蒙香帷逢迎不道遠妝束尙嫌遲坐以九華帳酌以雙金  
卮飾以瓊瑤佩衣以雲霞衣春日不得照春風不得吹咳唾

令人潔顰笑與時宜寵愛方自今不忍暫分離新知信云樂  
歲月莫推移

翦紙象璧月光明在一朝藕絲織作縑那得長堅牢與君結  
髮時恩義邱山高秋霜忽以勁桃李風中飄妾貌豈殊昔蛾  
眉不用描房室亦不遠舉足君言勞妾心比秋月君意隨春  
潮始知承恩日相視等鴻毛迹近易生隙寵極難爲驕譬如  
水上萍各自東西漂妾身已事君信誓神爲昭君今負初意  
妾豈忘心交今爲吳與越昔爲漆與膠性情苟不合何用強  
爲要

古詩

庭花被朝露春色忽如馳對花出美酒與子斟酌之酒酣興  
不盡慷慨淚沾衣憶昔垂髫日慕子幽閑姿愛悅出天性恩

誼無參差譬若汲深井短綆安所施續綆日益長尺寸不自  
知忽忽十餘歲兩鬢各有絲夙昔望我達親戚快伸眉居諸  
不相待富貴須何時豈不念行樂此心終不怡幽期況多阻  
無力脫羈縻忍將頃刻歡貽子中心悲子悲我不見我去誰  
相隨子身實孤露我命亦數奇臂指苟中斷唇齒將安依竭  
來與我見忽若雲霧披欲言意轉索喜極心翻疑榮悴不自  
恤哀樂爲我移此情那可道一身不足私娉婷誰家子結交  
輕薄兒黃金耀釵釧網戶裝琉璃一朝時勢易對面輒見欺  
敝屣棄不顧堇荼甘如飴世情善翻覆對此增歔歔與子金  
石交形迹在所遺憂思日以深安得享期頤清談苦日短得  
酒且其持輕塵棲弱草苦爲達者嗤惟有加餐飯與子再三  
期莫惜後會淺莫怨初心違游絲胃落花不復乘風飛前緣



合有定報德常恐遲當時一迴顧負累乃至斯援筆書所懷  
諒子亦同辭

江

鏞字夢花錢塘廩生  
著紅芙蓉館詩鈔

杭郡詩三輯夢花擅清才館許氏  
鑑止水齋一時俊髦多從之游

皋亭看桃花兼以脩禊分得會字用九泰全韻

破曉出城闌扁舟汎清瀨我友共印須所思有郭泰四圍雲  
脚垂風來少女兌須臾露朝陽天空豁霧霏勝境指皋亭恍  
隔千峯外兩岸做朱扉飛閣環虹帶目極平遠山耳聞水濤  
汰舟行捷如駛滑漣蛇出蛻一路深竹林雨過浮碧蕩綠以  
屋數間芳草雜蔚蒼更有萬桃花其葉何萋萋紅紫暈明霞  
輕盈羞李柰新妝逞媚姿妙手圖難繪種桃比種瓜干畦爛  
文貝念彼山中人荷鋤如荷祓以此充歲租日要且月會怪

底武陵源忘卻乾坤大淵明作記時毋乃弄狡獪昔我半山  
遊年少體亦忼俯視游冶兒棄之如蒿蕞落落故自豪而康  
無已太風景尚依然觀花意無賴叔重詩興狂開筵舉酒酌  
香芹碧澗羹鮮鯽銀絲膾嘉肴紛羅列所食非粗糲飛觴共  
醉花清聲如鳳翺云昔永和年此日蘭亭會捧劔說金人前  
裙傳被繪觴詠集羣賢褰裳而結禴舉亭繼蘭亭狂言亦何  
害水不辨淄澠山不別峽峴都是詠花才古人亮勿愴我聞  
言技癢宛抱伯牛癩舟中人若仙詩思極充沛或以絕見奇  
或以律課最浩歌更清新小詞亦妍婉君謨工近體芝蘭發  
菴謁蔡初泉安道古擅場蕭然絕塵壒戴浦仙諸家巖壁壘各自  
樹旗旛以我廁其閒不揣昏且昧年來才已盡膾似藏芻膾  
辟之水淺深江河與溝澮辟之國大小齊秦與曹鄴雅俗不

同調相如雜駟僧妍媸各自知龍鍾見少艾顏頰強索枯沙  
礫未全汰忽聽隔鄰舟嘒嘒鶯聲噉如歌柔柳條傾城迷下  
蔡人面訝相逢客路愁無奈盍作采藥人天台偶傾蓋仙飯  
喫胡麻喬木倚松檜胡爲攪塵網此身如狼狽含笑問桃花  
無言口已欽俯仰天地寬湛恩且汪濊嗟我久疏狂佳日苦  
玩愒選勝懶攜糧名區空憶軟山鏡催我歸有聲舍晚籟雜  
以水潺潺激石聽硠磕遙望賣酒家樓閣搖風旆采得花一  
枝餘香尙沾句爲語同舟人無負芳春靄

朱士銓

字任衡錢塘人  
著實善齋詩草

聽潮

天下奇觀潮爲最八月之江勢更大海門素練飛長空千里  
驚濤此交會忽聽颶風吹九垓雪獅百萬蔽江來濺起湖頭

高數丈聲撼樓閣何喧豕風聲潮聲并激盪排山倒海氣雄壯有如楚漢爭交兵鉅鹿酣戰兩相抗居民猶自溯錢王三千軍士鐵弩強非王英武神辟易海若退避潮尤狂俄焉潮平沙露脊天光萬頃同一碧援琴試奏水龍吟江上數峰青  
歷歷

樊椿生

字少安仁  
和諸生

記叔母自刎殉夫事 并序

從祖叔父名涵字廉伯叔母王氏道光丙戌科進士  
山東卽用知縣諱辰公女

哀哉樊王氏烈婦竟無子從父父云亡從夫夫若此宗祧莫繼承式穀問誰似婦心悲且酸婦容哀益毀血淚霑衣襟隱痛含骨髓慘澹鐙影孤深宵侍無婢快翦取并州斷喉若刀

七夫歿纔三朝身殉今已矣采風待輜軒令名著青史

邵順穎

字正言仁和人官江蘇小河巡檢箬意園詩二卷

高百齡曰正言為文精爽浩翰希風建安不屑與雕飾曼辭者爭一日之名居鄉能急親故之難死之日人交惜之

偕葉淮生高果侯湖上晚歸

湖心欵乃櫓聲長兀立雷峰礙夕陽春水暗添波淺綠晚煙低護柳微黃段橋雪盡三分暖孤嶼梅開一路香喜得同游

有豪興歸尋酒肆醉飛觴

高文鑿

字伯鍾號級堂海甯廩生著始存草

許淮祥曰級堂詩法忠雅堂有心香一瓣蔣銜山句與家王伯倪倬雲蔣子貞稱薇山四子

蓮社山房題壁和鄭廉卿 鈴韻

行行路敲斜豁然闢靈境攜朋此小憩萬籟俱寂靜老僧殊

有情款客滄苔七碗洗心脾脫畧渾不省回看諸菩提天  
花散空影

查人舟

字正帆號乙蓮有炳子  
海甯諸生箸袖海詩存

寄懷周青原

伊人渺何處緩步到汀洲正值西風起蘆花吹上頭蟲聲喧  
獨夜雁影度高樓欲寄加餐字鄉關未置郵

上巳後三日同雲帆弟話雨小飲

山齋跼伏少登臨自琢新詞自賞音半榻綠陰初試茗一簾  
紅雨罷彈琴不愁薛荔寒侵骨祇覺芭蕉碎到心吟罷池塘  
春草句何妨展禊玉壺斟

溪上納涼

水竹三分地半弓荷衣披得趁涼風回看綠樹陰濃處忽露

一燈漁火紅

馬自熙

字崙士海甯人著碧山草堂稿

寫懷

頗欲事陶寫日擁羣書臥疊石又蒔花藉補閒中課歲月紛  
已逝萬事悔廢情滋味淡泊諳眼底愁偏大豈必好矯眾亦  
祇遠塵泥平生心志苦傲字識一箇傲固不可長將以療柔  
懦嗜好與世殊尤喜讀楚些以求樂我樂在在深切磋況復  
非上智遠計萬卷破免俗猶未能詎得寡其過撫躬無一長  
虛譽何由播落落匙知音獨唱更誰和贖此氣昂藏不為飢  
寒挫俯仰良空闊煙霞資輔佐蠲除胸次累顧影還自賀

王鼎詩

字少愚餘杭諸生

楊振鏞曰少愚為吳嶺衛受藻高弟性疎狂多愁善病與錢塘汪子用曾唯交最摯歿後子用集其遺什與梅

舊詩稿並刊名  
之曰劫餘存稿

贈朱仲和

油油山上雲黯黯湖隄柳翩翩出林鳥嚶嚶求其友亦有同  
懷人分離日已久相思不相見臨風一搔首

今春風雨多臥病常獨居去年與君別忽忽歲云除豈不通  
尺素情親迹已疎眷懷王子猷命駕千里餘古人尙如此今  
我復何如

飛鳥辭故林游子發故鄉駕言武林道湖山明夕陽蟬鳴有  
餘響日暮生微涼信步出郭門言登君子堂芝蘭吐芬馨棣  
萼相輝光示我詩千首酌我酒百觴

日月如轉丸往來無一息人生如團沙聚散無片刻今朝樽  
酒歡明日湖山隔安得眼中人相對無離別



下灘行

兩山逼立陰雲盪風落危灘駭奔浪老龍直下忽回頭石角  
嶙峋屹相向舵工輓舵復轉舵目準如繩心有匠放舟一落  
萬丈餘片葉隨風下寒漲東山月出波溶溶停船爲說平生  
況自言十五學操舟風波歷涉多殊狀每於風順心轉危不  
覺波深膽益壯來往山溪二十年布帆雖破欣無恙道我休  
嗟下水難得放手時手須放吁嗟乎得放手時手須放

上灘行

一山復一山山高入層霄閒一灘復一灘灘灘直上浮雲  
端篙工對之不敢進跋前疐後殊爲難翻身入水舁以行鄰  
鄰足底生波瀾大呼篙工力爲努汝今已入上流之門戶失  
足中流嗟莫補

移家北山贈吳鶴齡

懋祺

放眼乾坤鬱不春，  
竭來巖谷好棲身。  
山中老桂時招我，  
籬下黃花解笑人。  
自昔機雲工作賦，  
于今元白又爲鄰。  
侂鄉猶幸重團聚，  
莫漫相逢黯愴神。

與朱子雲

世篁

過黃鶴樓

暮雲無際水無波，  
絕頂同登一闕歌。  
天地能容吾輩傲，  
江山如此恨人多。  
三千年後仙猶老，  
百尺樓中客幾過。  
黃鶴不來雲縹緲，  
青春當得酒銷磨。

曹鼎成

字巽齋嘉興廩生著巽齋詩草

訪隱者不遇

漸入無人境，  
雲深石徑斜。  
緣溪數椽屋，  
遶舍半牆花。  
獨行高  
千古名言自一家。  
孤蹤渺何處，  
凝望隔天涯。

朱根深 字少琛號耐庵嘉興諸生著粵游州

曉發車岡

客程貪利涉江上曉煙霏樹暗山圍障沙清水露磯溪魚驚  
擢散野蝶掠蓬飛遙指端州岸停舟正落暉

金松春 字竹友嘉興人著碧雲館詩稿

朱珮元 跋略竹友詩渾而不浮刻而不窒氣清筆妙不徒以音節為工

出關

匹馬出關去揚鞭萬里風沙平秋草白日落海門紅歸夢吳  
山月傳書楚塞鴻殘燈茅店曉客路又西東

徐振燕 字詒堂嘉善諸生著半翅吟稿

家傳略 君平生嗜酒耽吟詠同治壬戌死于難

冬日卽事

小立庭前酒乍醒  
傍牆修竹自青青  
一回袖手西風裏  
嬾折梅花插膽瓶

與友人同宿斜塘舟中明日言別

一夜同舟夢傷心  
易曉霞別愁君有淚  
歸路我無家  
苦雨黃騰麥  
驚風白浪花  
扣舷驪唱罷  
咫尺又天涯

丁養元

字又吾長興廩貢署桐廬訓導箸鵲草

張承德序略又吾刻苦下帷治經攻小學旁及百家諸子古今各體詩無不通曉曾北歷幽燕東游山左不得於時抑塞磊落之氣發之於詩大約不迫琢而工不矜飾而豔非區區筆墨畦徑之閒者也

七月五日漢鄭大司農生日謹祭以詩

孔子綜羣聖大道載六經  
繼往開後學所係良非輕  
誰歎焚書籍毒欲逞秦嬴  
三綱五常壞黔首如聾盲  
漢興崇學術修文偃甲兵  
徵書詔天下網羅徧簪纓  
易爲卜筮書未付火熒

焚其餘資傳授受書遣公卿臨決白虎觀諸生說鏗鏗然各

持家學異同互紛更周易田田何丁寬孟喜異於梁邱梁邱賀京

京房尚書補泰誓并迂難合并張霸百二篇質鼎嗤老儉詩立

三博上毛公獨不登魯齊韓鼎峙申公暨固韓嬰周官考

工逸儀禮高堂呈后蒼曲臺記相承戴弟兄春秋左氏傳上

自張北平張蒼封北平侯公羊胡毋說躋駁羸東平羸公與宏眭宏穀梁瑕

邱說支離皓皓星公與榮榮廣孝經殘暴燼舊藏出顏貞璧經最

晚出口舌熄羣爭科斗文難繹誰復窺深閔卓哉鄭司農詰

經集大成微言藉體會大義重發明少事第五元厯象闡璣

衡七政緯候占九章算灋精後棄術數學彪彪躋孔庭易義

兼京孟毛箋詩載賡尙書遵賈達訓傳說萃羣英中年遭禁

錮孝經注南城三禮晚年筆美善比韶諷豈僅膏肓砭墨守

亦心驚況復起廢疾何休安敢撻箸書三十年書帶苗碧莖  
黃巾門外拜豚魚感至誠嗟彼宋代儒蜚語相軋傾春祀威  
靈仰五帝類猙獰那知出緯書立號本前人郊天用麟鼓驪  
麟實馬名麟麟或沿誤妄恣千古評蜉蝣撼大樹斥鷃笑雲  
鵬微雲縱迷漫何能蔽太清迄今談經義允爲先民程小子  
游山左芳躅仰景行高密隔千里無從拜遺塋遺編自探討  
高義窺崢嶸捫腹枵儉甚愧無萬卷撐茲逢降生日陳經學  
拜庚心祝香一瓣頂禮酒半罍迎神神來格几筵恍聞聲

惜秋吟

韶春人共惜我獨愛秋清暑退煩襟滌涼生爽氣迎雲羅千  
疊巧月鏡十分明山黛妝凝澹波文縠皺輕鱗蛸忙夜織蟋  
蟀助宵征紅葉林披錦黃花菊綴英蟹肥金凸殼鱸美玉霏

羹忽報雙颺去俄悲物候更霜花繁屋瓦凍意透簾旌煙睡  
峰頭冷冰堅澤腹瑩捲天沙作雨匝地雪成晴鷹眼盤空疾  
猿心落水驚鐵衾欺逆旅金櫟警荒城塞上胡笳怨閩中翠  
翦情鐙光寒欲粟蟲語噤無聲況復羈開府偏教病長卿擁  
鑪鑪火燼對酒酒瓶傾裘乏鷓鴣典梁輸鼠雀營淒淒鑽故  
紙宋宋守孤檠鄉國思千里儒冠悔半生人情交態變死恨  
別愁并賸有窮途淚慙無沒世名苦吟誰唱和噩夢淡枯榮  
俯仰傷懷抱何時靖甲兵

徵客租

劫後田畝多荒蕪楚豫客民來于于喧賓奪主恃其眾不墾  
磽瘠墾膏腴墾田不下三十萬長官稽冊愜心願每畝輸錢  
六百餘永爲科則如成憲徵租局開紳士歡餽送薪水御歲

寒無主荒田各相認認無可認歸諸官張冠李戴何足道上  
供

天府知多少大僚豈皆曠且龔不問不聞真絕倒

九日偕沈三子範登道場山歸途口占

影斜初地墮聲落上方鐘陰谷碧叢樹夕陽黃亂峰石顏分  
齒齒雲狀護容容回首湖頭望淒迷世外蹤

丁丑客桐江山館無繆作詠古詩四首

漢高士嚴子陵釣臺

早識英雄主功成憶故人客星何事犯天子不能臣芳姓傳  
名郡荒臺冷釣綸千秋嗟合傳周黨豈同倫

晉寓公戴仲若詩樓

結構桐山畔高樓好送青地臨分水港天籟合江亭丹竈經



年冷黃鸝昔日聽吳儂憂不死慚愧少微星

唐隱士方元英宅

上書常報罷淒絕白雲源死後纔登第生前孰訟冤秋風文字恨夕照墓門昏酌酒悲同病窮通莫漫論

宋參軍謝臬羽墓

痛哭西臺上酸風直到今參軍惟報國丞相是知音舊宅元英近荒祠翠木深寒鴉紛晚噪遺恨滿空林

秋感

繁白霜稠雙短鬢紅塵困一窮儒此身分作捐簾扇當世多還買櫝珠風味江鄉懷郭索吟情蠻府賦媿隅馮驩此日猶彈鋏關吏何年識棄繻

董縉恆

字丕承號蘭孫鄞陳貢

省墓至大涵山

合沓羣峰繞荒村數點煙黃飄辭樹葉清見出山泉平野收  
殘雨長河瀉遠天永懷廬墓意漁釣淡忘年  
勝似山陰道川原姿趣橫鳥巢林際隱魚藻水邊明一櫂經  
過晚四圍無限清先塋悲宿草遊子欲何行

洪炳燦

字月池號雲石鄞諸生  
著寄雲仙館詩文集

十月十九日社集鄰湘館卽席賦此

青龍鋪席虎持壺南斗鼓瑟北斗竽雕屏匝匝組帷啟蒼霞  
揚謳風流歛豔歌一曲樂復樂中庭雜樹梅花落極宴娛心  
難具陳馳情整帶空蕭索丈八長矛倚柱看茫茫四顧天風  
寒舉杯獨歌行路難煙波平羃金井闌枯魚過河悔何及寄  
言魴鱖慎出入紅燭如山座莫喧一聲別鶴西風急

陳汝諧

字襄哉號伯山象山貢生著夢梅花館詩草

襄陽蹋銅鞮

別我新婚婦策馬襄陽行去去日以遠養養心中情龍旂青  
央央鸞鑣戛鳴玉統隊前驅行未肯受約束昨日朱組申今  
日紅錦袍富貴有天定不必功勳高

蓬萊山尋陶宏景丹井

絕巘有雲封瀛壺隔幾重登臨尋古井縹緲憶仙蹤落葉一  
泓水斜陽萬壑松真人如可遇執拂願相從

陳致新

字鼎如象山諸生著東橋詩草

翠竹軒新築露臺同人小集次大梅山館露臺坐月韻

酒酣聊自歌激響滿山河紫極天衢近紅塵下界多晴光開  
遠樹涼意動初荷適此愔游樂相期海不波

王詒壽

字循叔山陰虞貢官金華

孫德祖傳略眉叔少孤祖母孫親授九經年十四始就  
博才高好博涉能文章以詞賦為泰興吳侍郎師所賞  
拔府屬九學第一為將母援例就訓導既喪母不復仕  
應本省書局之聘同事一時之構編交之學益邃密著  
述益富精力與俱耗甫中年而老至可傷也先有笙月  
華景二詞已刻仁利許增為刻緜雅堂駢體文六卷  
施補華曰眉叔五古瑩然而清官然而深斬然而新有  
卷菴之鍊而柔其剛有花隱之幽而通其滯七古效昌  
谷者似謝皋羽效飛卿者似薩天錫效盛唐諸公者似  
元遺山高季迪律體盡攬中晚之佳絕句風均翩翩開  
以明麗自太白龍標以降并參宋元人之長予識越中  
諸子尊容眉叔最善為詩風格亦復相近稽山靈秀二  
妙當矣

蓬萊獅子巖觀日出

膈膈膊膊天雞聳東方欲明猶未明海靈悲嘯百怪遁鬱儀  
振管開赤城是時月輪白無色失勢將墮還支撐珊瑚十圍  
海底湧隱隱天鼓如雷鳴紅輪者日白輪月兩輪上下相搏

擊紅輪漸躍白輪低萬道朱霞晃金碧海波欲沸天風號六  
螭夾臂騰青霄白光一瞥落淵底但見旭日扶桑高絳旂翠  
羽紛在眼丹臺煜煜駕巨鼇神鷗火鳳出翔舞紫彩照耀龜  
鬣巢黃金之宮萬齒苞流珠閃爍鮫人綃吾聞曜靈五色象  
政理今之所見毋乃是一片晴光萬國瞻淨掃浮煙妖蜃死  
憑高作歌聲鏗鯨赭袍仙官抗手迎相期上冬陽氣動縱觀

再上蓬萊行

相傳十月朔旦觀日尤勝

代沈司馬寄贈邊將

陰山風勁遁天驕蕩蕩營門靜斗鏹苜蓿香肥邊馬健蒲桃  
春暖塞花嬌羌兒胡旋黃雕錦蕃女琵琶紫鳳綃埃火不升  
都護樂玉關休怨老班超

靈鷲寺

蓮臺法雨靜聞香山影迴環選佛場一道泉聲繞莎徑竹陰  
青護贊公房

經文具葉綴松籤矮几冰牕紫竹簾欲傍禪牀分芋火黃梅  
花裏轉楞嚴

同孫子九 垓 夜話感賦

峭風冷逼夜堂檠幾撫吳鉤話不平舉世輕才憐薄俗危時  
憂

國到書生艱難家計貧堪病孤憤文章老更成一曲悲歌雙  
短鬢那堪相對各吞聲

寄曹文孺大令

文物年來感逝波輪君詞賦繼江何湘東金管知名早公瑾  
醇醪得友多四坐春風爭問字五陵同學幾鳴珂窮猿不作

投林計手拭雄龍氣未磨

入秋以來頗興右文之政權太守顧淡如觀察菊生又

賢能越郡一治機也喜賦

渤海風誰繼文翁化欲行民知儒服重吏畏長官清草木三年  
淚雲霓萬戶情道州詩儻賦屬和有諸生

襍題射獵畫冊

白榆風逼鐵胎涼獵獵紅旂出射場馬上胡姬貌如玉手搯  
銀鼓唱黃鸞

紅燈一騎走如雲虎血猶腥舊戰裙十里寒煙灞陵樹秋風  
愁殺故將軍

春暮

野繚無力點晴波寒食清明次第過酒價漸低春釀熟筍船

初到市聲多東風芳草人盤馬  
小雨楊花客渡河卻憶江南  
好時節畫燒衫影水如羅

感懷四首柬文濡

潦倒何論富貴遲窮猿身世獨支持  
讀騷每愧呼名士橫槩  
眞思學健兒一榻青山容傲骨  
十年短褐負

明時

國恩虛擬文章報落日登臺有所思

東南萬里陣雲開又報祆星壓將臺  
漕路煙塵迷遠輓戰場  
風雨泣荒萊將軍已遣雲中出  
虜騎猶傳代北來誰翼

皇威清海岱朔方應有出羣才

誰遣陽侯裂水門呼天何計獲生存  
敢期發粟勞中使深望  
蠲租出



帝恩野哭清宵愁黯黯橫流滄海雨昏昏瘡痍未復民重困  
太息蒿萊亂後村

白雲萬變蔽晴空孤憤何須哭阮公走馬呼鷹殊廓落飲醇  
近婦亦英雄獨憐浮世爲儒拙空解哀時作賦工斗室縱譚  
天下事相期良夜一尊同

午夜

涼風動簾幙午夜不勝情孤枕碧山夢殘燈秋雨聲長貧身  
漸瘦經難氣全平早晚蠡酬願清吟了此生

余友丁仲泉

汝謙

歿且三年矣今春長君小庵

雲棟

來

草堂年才及丁嶄然已露頭角旣感且喜賦此贈之  
似父丰姿感敬倫三年迴首事如塵尙憐封禪無遺草且喜  
傳經有後人林下儁才惟見汝清門舊業漫憂貧重思腹痛

生平語握手難禁涕淚頻

秋夜與文孺談海上事感昔成詩

雲霄玉几逼旄頭又見妖旂據上游

九廟有靈安漢社干官何計慰

宸憂西風黃竹龍沙遠夜雨蒼梧

鳳輦秋倉猝變生原未料勤王誰爲運邊籌

旃裘逐逐路生塵放眼乾坤百感新神武豈眞窮

廟算撫綏本爲惜生民未聞天意容驕子深望

中朝出異人籌策及時應早定會看黃鉞下江津

贈日本使臣倉松敖卽題其詩卷

萬里風濤快壯游詞曹新拜冠軍侯銀袍花煖珠洋雪寶劔

屋笑步島秋東國聲詩追大雅

清時珠璧會神州不須更藉輜軒采早播遐臣頌德謳

觀鬥牛用韓孟鬥雞聯句韻

有序

婺俗鄉村盛鬥牛村民之稍溫飽者皆畜之飼養必  
 精必備專事鬥名曰操牛其用以耕者則犬豕視之  
 矣每八日一大集通國趨之若狂其鬥也闢廣場立  
 高轅於東西以彩帛裹牛角旂幟導入有老者視牛  
 之大小肥瘠合對令鬥其一勢將敗壯夫十輩曳之  
 釋勿令奔也勝者戚友咸賀置酒慶功其偶有奔北  
 者屠之恥若撻市朝此陋俗不知起於何時王子適  
 見之因為是篇

訂期集毗愚水田闢場待叢祠喧笙竽

門處有神祠牛必先集此寫轅絲

朱彩導從牛來思奔走人力殆成列鼓乍嚴諧軀翁斯在綏

卸鼻運雷錦發角磨鐵飯戰具必精飲至地預塏爭先怒蹠  
突壓後肉山磊頭攻技所長頸交勢亦改湧身恃背鬻張頰  
務牙雌小卻氣再鼓更前勇十倍歌功或甯叩誅敗必丁醢  
申律已夙習臨陣肯茲餒揚鳴我得志示喘敵受給忽如槐  
觸麀旋儼椎奮亥勿以進讓寸敢譖戰非罪決死騰若狂解  
危袒而浼三戰樂報捷再北辱輸賄勇怯判日夕批繩噓人  
海聞之畜牛家謹視無敢怠醇醪必灑如重茵斯寢乃買駿  
篋倒金飾觀尾曳綵課功詎識犁蓄銳但期凱陞風釀剽悍  
高宮競礪隗作俑知洞獠革俗望賢宰我詩匪紀觀上聞待  
輜采

遙聞二首

憂國遙聞鬢漸摧艱難仗節獨登臺一秋直北軍書隔萬里

征西鼓角哀罪己頻頒

明主詔選賢終仗宰臣才  
看看河朔英雄氣日夕風雲鬱怒雷

厝火年來慮轉遙鳴狐剖帛慣爲妖  
徒聞海上孫恩死誰遣中原葉護驕  
氈帳弓刀寒戍月樓船歌吹大江潮  
卽今兵力應堪用只在嫖姚翊

聖朝

聞道二首有懷北上故人

聞道長淮北祆氛勢撼山  
弓刀上谷郡旂鼓井陘關  
幾處重圍合何人閒道還  
烽煙一千里愁絕馬蹏閒

鐙火夾渾河將軍夜枕戈  
戒嚴屯墨騎報警走明駝  
北關邊愁繫南山劇盜多  
平戎倘有策且勿憶煙蘿

銅鼓釵歌 有序

何竟山藏有古釵云蠻人以叩銅鼓者銀爲之長逾尺大倍常釵圓直而上稍銳云千餘年物也按隋書地理志載南海交趾鑄銅爲大鼓初成置酒招同類豪富子女以金銀爲大釵執以叩鼓竟乃留遺主人名爲銅鼓釵此其是與

銀薦一尺紺龍角翠漫鏤金截鈿萼海南女兒顏如霞不向東風曳珠索玉螺花鼓青盤雷碧瓔鷺錦連臂來釵光搖搖鼓聲起手撒春星顛鸞尾洞堂一曲蠻花香犀牀不動雙鴛鴦  
鴛鴦裘都老紅酪漿墮霞簇簇珊瑚囊何年飛來逐龍子古井沈沙土斑紫芙蓉怯玉蘭雲垂金蟲欲綴愁蟬絲且鋪舞錦呼吳兒嬌鼉促疊催柘枝

會調梅訊蒲陽近狀

邑小瘡痍起時平服食安人家急農事風俗重儒冠鹽米喧  
朝市魚鰕候晚湍君看兵火後幾處少飢寒  
莫笑微官俸猶餘買米錢山深縞紵少風儉布袍便得客因  
燒筍求書或饋鮮君如能見過溪釀更如泉

麟溪道中

蕎麥花開素豔滋垂垂寒棟蠟凝枝重驅紅葉堆中馬來覓  
青山畫裏詩官滿好尋垂釣侶累多未是息機時溪灣倘許  
充高隱曬藥澆菘事事宜

冬日舟中雜詩

獵獵紅旂閃碧埃健兒習射校場開大黃寄語休輕發留射

南山寇盜來

時將大開陸城  
外有兵弁習射

蕭山望文孺故廬感賦

青山滿目人何處  
聯臂登舟憶昔曾  
憶得臨流賦詩罷  
葛衣橫笛下西陵

王烈婦詩 有序

烈婦孫氏會稽人同邑王秀才 紹本 室也秀才有俊

才年十九以病歿烈婦誓不獨生而其父上舍生 悅

祖亦以哭婿過哀發病遽歿烈婦奔赴歸遂絕粒舅

姑及家人百計解之大父親詣婉勸卒不食以成豐

十一年七月十六日歿距夫死僅二十有七日今秀

才仲弟孝廉 繼香 為狀徵詩文余因作此詩

宛宛鴛鴦鳥雙飛春江水鴛死不復生獨生鴛所恥嗚呼烈

婦殉夫死 解 妾夫王立閑且都棄父母命忽祖夫之父母妾



舅姑舅姑尙有子妾夫無遺孤二解朝呼天夕呼天斑斑血淚

麻衣鮮妾夫一死長已矣妾父哭壻又歸黃泉三解黃泉何迢

迢迢迢隔人旬父兮夫兮會相見妾身獨生妾何戀四解長跪

告舅姑一言淚如注夫子堂上愛泉下誰持護兒願從之無

他願五解撲我翡翠碗碎我琉璃鍾不飲不食骨如飛龍平時

舉案意緣會應待他生逢六解大父來婉言導兒有言勿悲悼

兒違大父兒不肖兒幼讀書大父教女子所重節與孝七解空

庭切切嘸枯桑清秋七月天雨霜團團慘月照象牀父兮夫

兮鑿在旁烈婦餓死魂魄與之同翱翔八解稽山嵯峨邪水泮

溧煌煌

綸綉輝綽楔嗚呼烈婦之心如冰鐵嗚呼烈婦雖死名不滅

九解

約園呈徐宗伯

影橋橫板巖煙汀池上板橋名影橋格磔幽禽最可聽荷葉離披水

清淺曲闌紅到定香亭

六紀風流席久虛娜嬛重見闢仙居阮文達督浙學時嘗校書定香亭上文達著有

娜嬛仙館詩鈔風標卻羨簾陰鷲黃葉聲中看校書

婁詩品字吟仙山陰諸生著藝蘭軒詩稿

感遇四首錄二

況是清才并少年肯將裙屐逐塵緣  
簞瓢淡泊驕卿相筆墨  
疏狂雜鬼仙蝸角干戈悲赤地  
鼠肝位置任蒼天  
王官谷口  
司空宅墜笏歸來對酒眠

株守荒廬悟化機拋書奇想又非非  
紅沾屐齒花魂碎綠皺  
廊腰草夢稀林漱暢懷疑鶴放雲霄極  
目笑鳩飛酒酣擬賦

遊仙去拾得殘霞補破衣

遊顯聖寺

石帆山下路閒步到禪堂溪漲初過雨鐘聲已報霜客炊菰

米美僧送菜羹香歸去更清絕菱歌唱晚涼

岑應麀

字希白號蕩舫會稽諸生箸蠡龕詩詞集

陶潛宜序略希白以父游宦生長於晉少有奇氣數往來燕趙齊豫閒見世方多事慨然以經濟自厲期為有用之學既不一見其所長而磊落奇偉之氣未能終闕或發之於詩詞以寄其感喟未嘗屑屑求工於字句之間年逾冠無所遇歸里益折節讀書盡棄少作潛心肆力於經史旁及諸子百家襍說靡不津逮尤精醫理各有所述樹義必超越前人惜未及成書而希白死聞其侃侃豪氣逼座人而心志冲抑欲然苦無所有者歸越六年越之人爭先交之其死也無不扼腕歎息思輯其遺書以示後而所為經史之學既無所成就僅得傳其詩與詞豪邁奔放似其人亦時有清新芊麗之作讀之皆可喜者希白為鏡西先生孫先生

鷗社詩老益信其家學之淵懿也

山村

古木扶疏裏悠然隱小村山花紅上屋溪水綠侵門一片清  
陰合時聞林鳥喧樸實猶太古何必問桃源

過東陽關

石逕陡迴環東陽舊置關煙橫迷遠樹雲起失遙山村酒不  
成醉野花相對閒嵐光回望裏別思一齊刪

同人游水石岩題壁

萬古蒼崖色森然倦眼開泉飛晴滴雨石墮夜鳴雷時有幽  
人屐長留太古苔野雲應少駐一鶴正西來

秋興八首

錄四

浩蕩沈陰壓戍樓芙蓉寥落故園秋平生空抱匡時策大地  
難消入世愁落木關河思杜叟西風蘭芷問靈脩江湖滿地

須舟楫可許乘濤犯斗牛

倉皇海角正連營上苑離宮築未成千古君心關治亂萬方  
民力困輸征秋風大澤哀鳴雁碧海洪波動石鯨闢道將軍  
新下瀨金戈鐵馬佇昇平

蝸舍蜂房海氣屯奇裘空欲混中原何時鵜鶘開王會終古  
星辰拱帝垣蠻島南來通赤嶠玉關西去接烏孫眩人祇寺  
成何事震旦由來萬國尊

渺渺高秋起素波蕭蕭蘆荻奈愁何性情漸覺知交契文字  
無端感慨多天外雁聲催白露夢中帆影落黃河桐陰竹實  
誰相借一笛樓頭且嘯歌

訪陶子緝心雲昆季于稷山樓賦贈

流水當門長稻芽綠陰涼影透窗紗偶來小坐情俱淡正欲

清談日又斜  
紉帙名書藏  
大令錦囊奇  
字付侯芭歸  
舟倍覺  
恩恩甚悵望  
遙村暮靄遮

西園

偶與西園疎  
乘興復來省  
石澄生晚涼  
斷霞散微影  
秋風何  
蕭蕭暮色忽  
云暝流螢墮  
碧荷鳴蛩滿  
幽徑坐久愜  
素懷稱  
心卽佳境  
夜靜羣響希  
葛衣露華冷

偶占

無限青山足  
嘯歌碧煙如  
帶界山河白  
雲更是須臾  
事還比  
人閒幻化多

留鶴齋銅鶴歌同朱鎮夫陶子緝次主人秦勉鋤韻

大冶鼓鑄青銅  
焦健翮初脫  
剛鏐胞癯僊  
幻迹翩來敖  
長脰  
卓植屈鐵拗  
迴頸下折才  
尾勺形枵影  
瘦頤而掣胡  
不軒翥

出塵蹤鐵骨僊子雲錦輶玉鸞金虎紛來邀聳身癡立迴騰  
 翮昂首似聽寒松濤有時鏗響冲碧寥震懾委蛇暗封臯傲  
 骨耿耿伊能調健馭誰供朱晶苗近今作偽等鼓妖燕石質  
 鼎聚嗤瞿銅駝零落委荒繆鶴爾何幸得所遭羽紋細蝕風  
 胡雕精光陸離丹翠饒雁檠寫影疑鵑鶻象鑪螭敦不敢驕  
 古氣磅礴誰爾僚鏐梅石枯庶同袍華陽瑤島路迴遼冷窗  
 相伴丹經鈔慎勿飛去使我切

范錫惠

字少蘭會稽人候選光祿寺醫正著隱蘭處殘草

嚴曾鑑曰少蘭幼好學潛心宋儒諸書喜吟詠旁及詞曲無不協律惜皆燬於賊難後寄居撥宮山中事母不離左

岳鄂王

天下事不可知朝命將暮班師昔年手詔褒卿忠轉瞬誰

便見疑檜賊不足責高宗一何癡降旗南指望雲霓羽檄北  
征風雨馳定中原不乘此機問君之意待何時容使祖宗天  
下與強寇不使父兄歸來依左右區區小朝廷猶恐非已有  
忠臣不殺和不成風示僉壬如嗾狗風波亭畔泣沈冤獄成  
三字誰之咎吁嗟乎姦臣謀婦人口天子心酷吏手

邢洪圖

號義河別號拙宜子  
諸生著拙宜處存稿

呂岳孫同社詩錄義河性靜證不喜舉子業與弟壽青  
俱以文學知名壽青論明辨義河晦不矜飾壯歲肆  
力古文演迤詳瞻卓然有聲賦才宏整詩亦婉篤刻水  
發源甚迅春漲夏霖全賴隄障西以萬金隄為最要光  
緒己丑秋大水隄盡壞廬墓漂沒無算義河與郭子醒  
愬大府發帑修隄義河日督其事勞瘁得疾庚寅二月  
卒

乙亥上巳讌集溪山真意樓

層樓高敞傍林隈真意天然絕點埃雨逐溪聲將岸去雲移



山色入簾來流泉曲折通幽沼疏竹參差映綠苔澹蕩韶光如罨畫得邀勝侶共徘徊

王鳳鳴

字絲如號苞九天台諸生著邨居詩集六卷

遊委羽山

卅六洞天競標異大有空明居第二試披鶴氅攜短筇閒訪奉林輕舉地道院深藏竹樹稠琪花瑤草無春秋吟罷門掩綠蘿句徑盤之字還通幽古洞唵呀苔蘚溼曾有羽人篝火入數日乃聞柔觴聲爰知道脈通呼吸洞前方石饒瑋瑰五雲靈岫繁花開煙霞萬壑羅丹室修翎仙鶴應重來

范廣城

字希泉西安廩生著嘯雲山房詩課

西安懷舊錄希泉髻鬢刻苦好讀秦漢書尤工詩惜年未及冠咯血而歿論者以李長吉比之

過東京塢

一逕蟻旋上幾家藏樹巔人間花點袂溪小竹分泉欲得忘  
機者相逢可粲然白雲自舒卷竟日爲流連

山居雜詠

銜泥燕子蹴花枝病起兼旬泛酒時獨自垂簾無一事焚香  
細讀劍南詩

細縛山椽成塵尾閒收敗葉寫蟲書客來不用尋佳饌爲取  
池塘自養魚

鍾廷慶

字舜雲錢塘人同治丁卯並補  
甲子舉人官廣東樂會知縣

許淮祥曰舜雲宰粵東有治行初攝永安篆邑與潮嘉  
錯壤上客雜處多盜有古姓者前官已定讞舜雲鉤稽  
案牘疑其冤徐察之信亟白上官釋之未  
數月鄰邑獲真犯訊實置之法人服其明  
得故人書

道遠坐相憶何來雙鯉魚風塵方瀕洞鮒蕝毆除兩地各

羈旅同心念故廬因之更振觸三復轉愁余

許慶恩

字培之號銀槎錢塘人同治丁卯並補甲子舉人四川候補知縣箸蜀遊小草

黃牛峽

朝暎紅射千尋壁忽訝晴空墮霹靂人聲水聲沙石聲金鐵  
縱錚互撞擊小舟一葉中流顛退飛直下危灘邊須臾傾側  
水及股少焉洶洶將齊肩此時心地轉清曠一切掃除空翳  
障命宮水戾亦前定人力安能與之抗不知生死誰實操未  
爭一刻爭分毫慈航泛泛渡彼岸全家竊幸泥犁逃憶昔烽  
煙幾經歷流離困苦穿鋒鏑又從海上弄輕舫天外黑風波  
浪激千磨百折留餘生幾疑造物胡不情意必嗤我骨相何  
故使滌以河之清不然塵世皆陷穽夢夢者流日趨競躁妄  
應知是禍機干今懲創宜爲鏡噫嘻天心造就奚可量後來

日月恆吉祥黃牛黃牛毋披猖隱護楚蜀行旅胥平康

古柏林

昔賢已死五百載姓氏齒頰猶芬芳手植柏樹數萬本排列  
驛路如鷓行巨材亦或遭斤斧留者直欲摩天闔虬枝擎空  
碧雲合根本未可尺度量清風迎面來郁烈時聞香炎天六  
月不知暑遺愛豈讓召伯棠吁嗟乎芑蔭及人乃如此直使  
徧虛空界皆清涼

許承勳

字子華錢塘人同治丁卯並補甲子舉人考取內閣中書

許淮祥曰吾宗子華為余兄子曼同歲生也其弟子介  
與余又同鄉舉往來最稔先世居湖墅有隱德子華枕  
經薛史學有本原年未冠負雋譽為人和藹教授里中  
生徒樂其善誘多所成就尤好匡扶名教遇忠義節烈  
事關揚惟恐不顯惜  
天靳其祿年四十卒

訪岳倦翁金陀坊故址

湖天海月圮高樓一片平蕪夕照留祠宇荒涼花鳥盡風雲  
猶帶箸書愁

金牌遺恨十年功墨敕藏家御璽紅自昔篠驂迎父老祇今  
銅爵弔英雄

柳湖古墓羣姦跼禾郡崇祠故老知何苦當年秦繆醜無人  
一字與題碑

戰伐頻年瓦礫存寺鐘仆地篆苔痕權歌惆悵吟朱十月出  
東南何處村

徐有珂

字韻霄號小豁烏程人同治丁卯並補甲子舉人

縣志有珂潛研樸學力探根柢不拘守漢宋門戶兼送  
步算未嘗自炫箸春秋朔閏舉正二卷湖陰汗簡八卷  
小不其山房集十二編

初至安吉謁家忠節提刑公祠

泣奉勤王詔全軍沒宋村至今迷戰壘何處弔忠魂負郭留  
祠宇環村毓子孫徐村灣去城三十里聚族二百餘家我來訂宗譜展拜奠清  
尊

讀毛詩

毛詩三百篇頗狀亂離事小時肄業之華藻供驅使未識征  
戍勞豈解憐流徙中年閱世變展卷淚盈紙寇氛日以近相  
隔僅尺咫焚掠徧村落垂涎在塵市郊邑皆蕭條怕讀都人  
士老弱轉溝壑壯者靡棲止莫顧且莫聞葛藟詩如此況復  
六月中師行不得已采薇傷飢渴雨雪怨咨起同袍修戈矛  
皇華臂指使在泮可獻功吉甫多受祉咀嚼詩中言今古同  
一軌誰籌治安策請自讀詩始

過齊河縣

輕清重濁判鴻荒一氣乾坤轉混茫赤道東移原有定黃河  
北徙竟無常終虞曠土連徐兗安得飛芻繼漢唐先哲有書  
詳一覽司空遺績費評量

朱冕羣

字弁侯號莛申歸安人同治丁卯並補甲子舉人著采蓀詩稿荃香館詩存晉游小草西江集時一

吟

吳鍾奇曰莛申詩有清婉之致晚更究心疇人之學領薦後歷游學幕以疾歸卒於家

轅駒謠

局促復局促閱此轅下駒鞅韉在項背寸步不得舒負重勝  
百鈞本與駑駘殊不逢伯樂顧俛首受牽拘朝飲一勺水暮  
飽一束芻自謂參養恩敦迫效馳驅峩峩太行坂嶮巖復崎  
嶇屈彼千里足往往服鹽車竭蹶汗流血虺隤沫歎珠胡不  
隨飛將轉戰青海隅驍騰向空闊大功成須臾否則華山陽

蕭散全其軀

蘇臺懷古

蘇臺之高高百尺翹首雲霄真不隔荆榛雜沓麋鹿遊下有  
吳王歌舞宅吳王意氣當時新勝齊下楚驕無倫犀渠一著  
會稽破越國來朝進美人美人顏色嬌無比傾國傾城有如  
此俯視宮闕皆湫塵有詔館娃宮特起雕甍畫棟峰頂開連  
雲蔽日何崔巍清風六月不知暑銷夏灣頭銷夏來沿波十  
里芙蓉發宮女如花著羅襪龍舟直下錦帆涇簫管兩頭聲  
未歇清秋校獵姑蘇臺千乘萬騎騰喧虺風毛雨血蔽原野  
一圍殺罷君王吟歸來別殿重開宴猩脣出釜駝峰賤吳歛  
荆舞更迭陳銀漏沈沈催曉箭暮樂朝歡能幾何霸圖坐擁  
甘銷磨屬鏤一擲長城壞眼見繁華委逝波我今來作蘇臺



客俯仰雄圖深歎息惟有斜陽似昔時猶照吳王舊游迹

荆溪陳烈婦歌

有序

婦本江北流民女適縣民陳繼青姿首端好貞靜自持夫之表弟曰唐亦之涎其色知不可以游詞入乃

瞞婦獨處夤夜挾刃往迫之婦峻拒遂被創以死時

潘君芝岑

樹辰

宰是邑捕唐寘之法而爲婦請

旌予適在幕中因爲歌以張之

荆溪之山何嶙峋荆溪之水清且淪其中乃有烈婦陳婦家雁戶夫農民縞衣綦巾光動人貌如桃李心松筠彼何人哉葭葦親心悅婦貌無由伸口銜石闕腸車輪驀然闖入桃源津婦起致詰顏色曠繼之以詈詞申申欲曙不曙夜嚮晨雞鳴犬吠驚四鄰狂夫色變意逡巡匕首突出光如銀謂婦畏

死當曲遵誰知甯死不辱身  
以身櫻刃血沾茵糜肌墮指無  
吟呻古來紅粉俱灰塵皦然白璧完  
其真我書其事鐫貞珉  
俾與嶙峋之山清淪之水萬古常如新

雨後行黎城道中

倦客登程急晴光放未齊  
溼雲團樹暝積靄壓峰低  
林暗藏鳩語泥深沒馬蹏  
郎當應自笑鈴響正淒淒

德風亭晚眺

一覽全城小孤亭勢莫齊  
天臨檐宇近山壓堞樓低  
南國空書信西陲尙鼓鞞  
憑高何限意夕照儘淒迷

江珍楹

字靜軒號子平德清人同治丁卯並補甲子舉人

遊平山堂

金粉飄零盡我來  
邗上遲秋光閒引蜨  
新竹翠於眉風月晴

湖權文章太守祠五亭橋畔望心事敗荷知

尹金茨

字秋雪慈谿人同治丁卯並補甲子舉人官內閣中書著因樹書屋詩草

孫德祖序略秋雪少負雋才于書無所不讀文譽噪序序辛酉試拔萃科極為張文貞激賞以試帖一字未安  
僂失之登薦後連不得志拂衣歸家故儒素硯田不常  
稔中間喪賢偶遭燹難家兄又沒王事萬里外身任其  
弱累憂傷勞悴一厲于詩怨而不悻  
有三百篇遺則殆學富而養優者乎

半閒堂鬥蟋蟀盆歌

半閒堂上鬥蟋蟀三寸螿盆製圓璧苔封蘚蝕土花斑似以  
平章減顏色平章在昔竊國柄西湖日日行觴政綺閣笙歌  
響未收畫船燈火輝交映西風一夕虛堂涼豆花籬落曉寒  
蟻羅致不知幾千百攜盆坐鬥秋宵長但願此盆常把玩缺  
盡金甌何足算快意甯知白雁來傷心不管紅羊換襄樊失  
守烽火驚踉蹌卻向蕪湖行可憐蟋蟀亦股粟草閒偷伏寒

無聲循州萬里誰爲侶一曲輿歌作杭語瀟瀟風雨木棉庵  
舊物飄零在何許我從酒畔重摩挲轉爲斯人感慨多畢竟  
荒淫誰誤國千秋遺恨奈盈何

孤山

捨舟遵微行延緣入空谷泠泠山水音一洗箏琶俗松杉晝  
陰陰中有一亭齷白鶴去不還野草自芬馥永懷林處士此  
焉寄高躅山窗午夢回淪茗飲湖淥嗟余溷城市終歲困馳  
逐安得買山錢山中構茅屋焚香讀道書夜抱梅花宿

姑蘇

西風倚權錦帆涇繞郭煙蕪一道青市上簫聲窮士淚剗邊  
虎氣霸王靈梧桐葉葉疎秋雨楊柳絲絲帶曉星多少興亡  
餘感慨夕陽歌吹不堪聽

通州秋思

深林一角夕陽收，漠漠江煙起渡頭。野色平連淮甸晚，潮聲

遙帶海門秋。金戈鐵馬頻年戍，時江防甚嚴破帽殘衫異地愁。蘇

難民多居沙上何事西風蕭瑟裏，獨將琴劍苦淹留。

都門書感

碧瓦朱甍上接天，禁城芳樹欲生煙。朝元客散花簪帽，退直  
人歸柳拂鞦韆。百辟冠裳都濟濟，五侯歌舞自年年。何因一掬  
唐衢淚，灑向青鐙綠酒前。

汧隴山川隔萬重，玉關迢遞尙傳烽。戈鋌未撤三軍戍，芻粟  
猶煩四海供。誰與屯田規上策，卻看銷甲事春農。東山坐鎮  
南樓嘯，樽俎從來善折衝。

淮陰釣臺

跨下橋邊落日昏釣魚臺上弔王孫果然肯投陳稀計漂母  
應忘一飯恩

胡體坤

字柏甫慈谿人同治丁卯  
並補甲子舉人著秋吟集

孫德祖曰柏甫為人深于情纏綿悱惻哀罔所渡落魄  
京邸寓感絲竹一飲一食之間惻然憂思對之如鼓正  
則離騷經卒嘔血以  
死年不中壽可哀也

金孟峯

中峰聳碧霄圓坦不盈丈絕壁峭四圍虛頂若孟仰擎出雲  
漢閒彷彿承盤掌月明天宇清甘露流盎盎華山玉女益無  
乃多懍懍

仙人坡

蒼松鬱西澗翠竹環東阿山色何深秀云是仙人坡風清鶴  
唳時往往聞笙歌笙歌一何渺空山深薜蘿我來坡上遊遐

想軼羲和嗟哉觀棋叟樵採已無柯

劍俠

天帝有時醉此心終不平家緣濟世破名以殺人成生死非  
吾計恩仇爲孰明布袍滿腥血腰劍尙長鳴

方

鷓字雲鸞慈谿人同治  
丁卯並補甲子舉人

送胡彝圃之任山陽

五月南風梅子黃榴花未落蘆葉長鯤鵬變化乍離海萬里  
青雲未可量先生豫章瓌奇士儉德清操式鄉里宦遊海國  
十餘年公輔庭珪肩與比一朝鶚薦赴山陽比戶焚香迓仙  
尉我聞山陽鍾奇特空谷足音誰物色袴下橋邊水清淪淮  
陰落魄釣於側英雄失路孰援手安得人人逢漂母荻花蓀  
葉繞荒墳羅公題詩今在否

張壽松

字鳳儀奉化人同治丁卯並補甲子舉人

壬戌八月邑再被兵官軍募義民為導族人正忱肩長

梯薄城中礮死作此哀之

僅一農夫耳能知君國義賊氛屢騷擾苦無安宅地但望大軍來誓以此身致忽聞驅車聲鎧仗列千騎

皇威既遠播亦期効一臂身家置不顧矢石更安避梯城勇先登頓折摩天翅礮火轟然來身骨且粉碎猶留姓氏香千

秋炳圖誌

陳繼揆

字舜百號龍巖鎮海人同治丁卯並補甲子舉人著拜經樓詩集

董沛曰舜百為姚復莊先生妹婿與其從兄駿孫從遊最早稱入室弟子駿孫仇爽舜百縝密於師門皆稱轉手而其為傳作則一也余與舜百同舉鄉試其詩才學兼到白璧無瑕元則遺山明則大復洵可嗣響矣

雜詩四章



園蔬雖美不如膏梁荆布雖質不如姬姜膏梁既饜園蔬香  
美人誰爲椎髻妝齊眉之案惟孟光

狐裘何煌煌入夏不生涼裸身非人禮敝葛欣在旁以裘易  
葛誠非類當風乃得參翺翺君不見華堂筵席羅綺香敝葛  
之子仍無光

葛雖敝體可蔽金玉其外敗絮中羅綺之光不爲麗男兒富  
貴須何時山鬼啾啾帶蘿薜

乘船不上山騎馬不渡水用物失所宜棄之等敝屣鳳皇在  
笈同雞鶩麒麟在牧如鹿豕不平之事類如此

茶婦行

東鄰有少女自幼嫁茶戶上山摘頭茶頭茶清且苦郎道茶  
味甘少女默不語方知清苦心并難喻儂汝西鄰茶婦當風

歌東鄰少女泣如雨

山居秋興四章 錄二

面山樓閣樹陰圓  
嵐翠霏微散若煙  
大好林泉聊作主  
乍涼天氣易貪眠  
過牆墮葉翻風蝶  
落澗寒湍咽露蟬  
仰看雁行空際去  
幾人沈滯海雲邊  
未慣蹇驢跨短鞍  
芒屨款款度沙灘  
貪看紅樹歸家晚  
欲買青山踐約難  
幾輩功名矜小草  
半生心事付幽蘭  
洗兵何日天瓢倒  
手撫龍泉祇自歎

紀事

上林烽火等咸陽  
忍使神州作鬼鄉  
扈

蹕諸臣誰仗節  
頻年羣醜競跳梁  
御龍敢試攀髯手  
馴象難回去  
國裝天末書生不解事  
徒將心血付文章

兩浙輶軒續錄

卷四十七

陳繼揆

突

文章窮達不須嫌太息君民勢分懸欲訴

九重嗟萬里幸瞻

御極耀初躔

龍輿

顧命資羣策鶴語朝

天祝大年會待陽和隨令轉春風浩蕩自無邊

哀浙西

鼙鼓聲聲起怒雷河山半壁已成灰劇憐徧地餘叢冢危坐  
孤城上將臺敢冀紅羊塵劫換幸無白馬越州來平生怕誦  
蘭成賦遙望江南亦可哀

金陵十載老雄師羣盜如毛愈蔓滋南渡山河重歷劫西湖  
風物竟如斯長江豈是偏安勢殘局應須大力支獨怪調兵

徵餉處縱無蹂躪已堪悲

帆影

高臺落日滿樽前千里懷人思黯然乍有斷雲橫水郭慣隨  
飛鳥過江天六朝春夢秦淮月一葉西風鄂渚煙多少征篷  
移眼疾蒼茫漸入蔚藍邊

酒闌

華燭瓊筵月色迷酒闌歸去醉如泥病妻撥火烘茶葍稚子  
迎門索棗梨倦客已為莊叟蝶中宵誰警祖生雞年來身世  
成淒感起把湛盧手自提

胡壽頤

字耆仲山陰人同治丁卯並補甲子舉人官兵部員外郎著洗齋病學草二卷

孫德祖曰耆仲與德祖從曹先生壽銘游最久同舉於鄉耆仲尤為南皮張公所賞得末疾不良於行病廢八年卒於家存詩皆疾中作也

同文館

咸池律學出華胥推步奇才異國儲西去流沙通譯語東來

周髀寶神書泰西算法原出中國故名旬股日東來法餘應置閩從中古差已超

辰改太初圓日行星參七政六虛變動說坤輿指地球

招商局

番舶曾勞使者車唐嶺南置番舶使何年竟達日邊槎天津通商八荒珠

貝懋遷集萬里帆檣權算加政重轉輸通海道海運入都附乘官商輪船

書各平準出官家一經市令操奇後藏富民聞羨物華

航隴新出漢甄田大以搨文相示步陶子緝太史原韻

古文摸得漢時甄寶鑑同埋各紀年千載遺墟難攷證八分

眞迹足流傳地爲航隴增輿記星向炎劉數歲躔甄建甯元年鏡背亦

育和帝年號馬衛似人官將作甄上有馬衛將作等字碑銘搜遍墓前田土人

以古墓必有碑碣遍掘不得未知爲何人之墓也

詠化學

紛紜萬彙盡含靈斯道原難一息停天地生人猶有憾鬼神  
體物卽成形中和極致存誠性聲臭俱無出聖經可歎羣儒  
鑽故紙終身夢裏幾時醒此首全用儒書

兩儀太極說紛陳歸入清虛始葆真誰運一元成大造竟爲  
萬物得長春寓言牛馬隨呼轉妙道鯤鵬變化神知否洪荒  
初闢日本來黃土可搏人此首悉言元理

沈 榮 字少鳳山陰人同治丁卯並補甲子舉人著蓬萊閣詩鈔

有感

樓頭風雨客衣單瘦骨鐙前對影看里語有人誇富貴家書  
隨例寫平安琴孤山水知音少畫不胭脂出色難寂寞三更

未成寐一聲秋雁落江干

冬日田家雜興

旭日霜天高寒菜一畦綠取以佐盤飧食菜如食肉忽聞富  
家來索逋一何速殺雞并爲黍奉之恐不足東家議折米西  
家論輸穀催租真敗興此事不免俗何必較升斗但求年歲  
熟

於陵賢夫婦勤苦終身俱朝來饁南畝相見賓客如夜來織  
西窗不敢寬須臾看蠶帛可得種棉布有餘裁作犢鼻褌禦  
寒誠良圖纖纖弄刀尺凜凜裂肌膚綺閣有佳人翠袖紅羅  
襦顏色雖自好不能衣其夫

悲歌行

讀書求富貴厥量何其隘讀書終貧賤所志亦不大當天夕

月慘不明墮地秋花寂無聲有駒千里操短策風塵騎老青  
衫容三十江南人早衰鏡中創見一絲白

王英淇

號竹泉英蘭弟會稽人同治丁卯並補甲子舉人候選教諭箸枕叢山房詩文稿

題猶子繼本室孫烈婦銀管錄

貞石磨殘孝竹摧鐵心一寸獨難回慧根烈性知非偶定向  
瑤池謫降來

玉折蘭凋劇愴神女貞况復殉靈椿九京祖母應含笑節孝

從今有替人

曾祖母凌欽旌節孝祖母金嘗判股療親孝行稱於里黨

藪塾三閒舊夢留

子與根仙讀書枕叢書塾計十餘年

攜尊怕憶竹林遊何當

月夜吹笙到雙控飛鸞駐嶺頭

多感詞壇許表揚琅函錦字簇千行彤闈不帶紅塵福贏得  
名薰翰墨香



丁鴻達

字樵珊蕭山人同治丁卯並補甲子舉人簪借齋詩集

春暮偶成

山翠入樓臺晴窗面面開日扶花影上風送鳥聲來欄仄支紅藥階空補綠苔安排今夜月且覆掌中杯

題陶肖農

守廉詩集

北馬南船幾浪游一編鴻爪半旬留多情宋玉巫峰雨善病相如茂苑秋時難有心騫驥足才高無夢到羊裘旁人莫把柴桑比尙擬功名運甕收

偶成

狐鼠縱橫事偶然浮生不幸見烽煙雲迷蓬島疑無路水近桃源別有天家祭未知王氏臘詩編猶紀晉時年維寇不復奉大朝朔齊梁自古多輕薄寂寞何人預草元

楊觀治

字賓于餘姚人同治丁卯並補甲子舉人官武康訓導管鄉蠶蠶州甬東別州蕪湖游州蘆軸寤州

春明試州  
餘英宦州

荅黃講之 敦讓

四十年來一擲梭牢騷壯志未消磨  
入幃螢火添吟伴躍州  
畫聲破睡魔春寢每嫌良夜短  
秋花好在晚香多  
平心試向江頭望  
順水揚帆有幾何

滌硯

方塘瑩澈鑑初開  
拂拭羅文傍水隈  
心力為卿磨欲盡  
襟期于我淨無埃  
判教香麝隨波逝  
但聽游魚唼墨來  
寄語石交諸老輩  
莫甘韜晦濟時才

偕張棣笙施衡甫王菁史西湖雨泛

敲篷急點亂跳珠  
雨笠煙蓑入畫圖  
一棹與君消永日  
孤舟

容我占全湖無邊閒散輸鷗寢有客蕭騷類鶴癯謂蕭史最是

繞隄看不盡幾行疏柳未全枯

朱衍緒

字鎮夫蘭季子餘姚人同治丁卯並補

孫德祖曰君幼聰穎性沈默能詩工篆隸尤為閣學師

所鍾愛師使節所至必以君偕存藁多隨宦之作尤有

山水齋中年入閩探武夷九曲之勝歸而寢疾遂以不起可傷也

臥病一月百感交集夜起率成

偃臥謝塵務病起仍徜徉獨坐念往事嗒焉空自傷涼颺起

天未庭卉已半黃仰視玉繩直關河天未霜人生瀛海內迅

若石火光樂極苦日短憂來愁夜長所見苟不遠老彭猶大

亡

寄王補帆太史都門

木天曾校祕書回橐筆還登上將臺

時補帆奉李少荃

萬里

封侯纔得路四方多難亟需才謝公別墅賓僚盛庾亮南樓  
幕府開下馬遲君書露布僻居端望捷音來

故國河山易夕陽怕聞陳迹話滄桑僅添洛下新詩卷莫覓  
灤西舊草堂作客生涯如斷梗感時涕淚忽沾裳十年尙被  
青衫誤只合從人學放狂

世情

世情勝負若棋枰枉向生前抵死爭地下相逢應失笑當時  
恩怨太分明

遲暮

炳燭流光倏已徂暗將遲暮切憂虞未能入世馴龍性只合  
論交到狗屠崖樹多陰滋雨露盆魚响沫自江湖園林歲晚  
留生計會放山中養橘奴

桐城訪張相國故第

檠戟銷沈石獸蹲積牆涼雨蝕苔痕諸郎官亦登清省過客  
今猶識相門亂後沙隄殘劫盡生前華屋幾人存萊公自有  
非常業不築樓臺庇子孫

山店

桐人昇輜健如鶻嶺路嵯峨躡足登再宿溪家成熟客惜無  
野寺著名僧山容帶暝將成雨曙色依人尙見鐙雲霧滿窗  
衣屨溼始知身到最高層

題一巢舅氏觀稼圖

十年烽火莽江關憔悴憂時鬢已斑猶喜田園無恙在相招  
旅亞有餘閒芰荷野服春三月穠穉香風水一灣荒土東南  
多未闢桃源不信到人閒

偶來野外策青筇，秋稅年年足自供。  
馬援窮居饒畜牧，孟嘗遐蹈作耕傭。  
懷才未合巖阿老，展卷如親冰雪容。  
白木長檣差不俗，頭銜應署赭山農。

名德寒村歎逝川，閣中萬軸散雲煙。

同族寒村太守為梨州先生高足建二老閣藏

書數萬軸現已散失

流風沾漑成高隱，平地逍遙似散仙。  
瑤草呼龍耕

夜月餘糧飼鶴放，晴天願公更授齊民術。  
我亦將歸下選田，宜讀招尋舊草堂。  
躬耕餘暇極徜徉，名門通德傳高密。  
遠道悠思動渭陽，夙愛湛之逾骨肉。  
謬推阿士擅文章，無成何日酬青顧。  
卷尾吟成思渺茫。

乙丑浙闈題號舍壁

秋風一第劇艱難，重向雲霄刷羽翰。  
錦瑟年華驚老大，瓊樓世界薄高寒。  
兵閒落魄琴書廢，亂後衡才格例寬。  
我輩握瑜

期有用詎容樵子笑危冠

蔡

篋

字仲吹黃巖人同治丁卯並補甲子舉人著寫經堂詩鈔

縣志篋幼穎敏工詩古文辭及壯益精考據之學主講東湖廣文樊川諸書院從者多知名士著有寫經堂文集一卷駢文二卷

詩四卷詞一卷

柵浦

傍晚投村店郵籤第一程雄關吞海氣斷岸激濤聲刀劍傷

民俗杯棹錯市腥夜來番舶到鞞鞞大鑼鳴

靈江舟次

艣響破殘夢蕭蕭征雁鳴初雲沈日氣急雨亂江聲岸轉山

如失潮回水自清平生萬里志對此若為情

訪笙鶴樓遺址

道人已仙去騎鶴芝田游窈窕暮雲台蒼茫山月秋玉笙斷

遺響哀笛奪高樓滄海今日涸區區貉一邱

還山樂

京華塵土飛輭紅馬蹶三月嬌春風酒酣忽憶還山樂懷人  
感舊情恩恩嗟余橐筆天涯游綠波春艸行夷猶偕隱未賃  
伯鸞庶悲秋獨上仲宣樓赤城山水浙東秀鴻泥十載留痕  
舊時爲看山策杖藜層巒潑翠沾衣袖平生蹤迹不繫匏越  
鳥聊寄南枝巢蘭芷荒涼楚天遠一燈風雨讀離騷少年亦  
有桑弧志學書學劍期一試五張六角年命乖潦倒青衫數  
行淚醉後狂吟寶劍篇射虎獨控南山弦生涯悔作牛馬走  
形影真覺夔蛇憐元龍意氣本豪縱濡筆欲上燕然頌家國  
方多未報恩埋頭章句知何用荆棘愁歌行路難浮雲西北  
蔽長安於今且乞扁舟去煙水蒼茫一釣竿



詩經車車米金 卷之二 三 ちリメ

徐

溶

字蓬舟黃巖人同治丁卯並補甲子舉人著同光集

王詠霓白蓬舟年富力強每撫膺時事冀得一官一旅

為

國家捍圍疆陸策名天府意氣之豪不可一世顧不得其

年以死備徽之華干莫之氣沈復幽寂不可復見塵以辭旨之未與儒士競爽悲夫

鄉思

歲暮猿嗥切更深燭影微路長鄉夢斷地僻雁音稀客淚飄

紅葉征帆送落暉遙知六旬母旦夕倚柴扉

小春八日雨後野望

積雨有時霽浮雲無盡流梅花兩岸雪雁影半江秋寒磬催

黃葉清礎激白頭故鄉鱸正美何日放歸舟

夏

謨

字諱立號文勇一號華溪永康人同治丁卯並補甲子舉人著華谿詩鈔

胡鳳山均以文鳴世天不永年惜哉詩文甚富不自存稿所

錄尚非極  
至之作

繡湖

竭來問渡到烏傷未覺仙源道阻長細雨一湖芳草碧春風  
兩岸落花香波痕淡蕩簾初捲雲影徘徊錦乍張溪畔浣紗  
人未去輕煙飛過兩鴛鴦

楊文杰

字粉園仁和人同治丁卯優  
貢光緒元年舉孝廉方正

袁昶撰墓志略先生少孤貧治五經章句漢宋箋傳疏  
道間誦賦識通音均字形偏旁之學持身廉潔寡欲與  
人語諄諄若恐傷之終日矜然不見崖岸交親雖僕隸  
鄙夫必為之盡死則於君乎殆殞前督學秦興吳侍郎  
聞其賢而稱之凡行省舉優行貢太學例拔善書  
及年少者吳公獨首時君曰吾以為多士勸也  
沈攸鈴曰粉園經術湛深所著有續經釋十二卷羣經  
札記十四卷大學古本訂一卷說文重文考一卷關文  
考一卷逸文考一卷東坡  
記餘一卷堪輿雜說四卷

效昌黎和崔舍人詠月

兩浙輶軒續錄

卷四十七

楊文杰

美

884

團圓秋月夜放眼極蒼溟玉削千峰峻珠懸一顆靈空明都  
入畫倒映亦成形露結霜華淨雲開雨意冥櫓搖聲過雁鐙  
隱燄沈螢霧早飄然散風俱善也冷蟾宮看不遠牛渚渡曾  
經素彩流如繪仙璫奏孰聆鏡開光皎皎影寫貌婷婷冰澗  
苔盈砌香分桂溢庭頓消三徑靄莫數一天星妙景徵清漢  
歸心照驛亭關山愁茂草詩思悵飄萍鬢訝絲同白書空簡  
寄青笛吹音亦朗琴弄手無停對台文摛錦邀還酒罄瓶入  
樓驚蝶夢倚檻耐蛩聽竹院吟誰答柴扉叩未扃宵深添薄  
冷光迴做餘燐紀候階呈瑞剛逢十五蕓

刈稻畢詠懷

市塵苦誼鷲薄言向幽僻西風颭然來吹我至東陌溝塍高  
復低一望平疇碧隴畔無滯禾田中秀新麥今歲喜大有比

戶倉箱積遺穗鳥雀飽飛鳴自閒適我非力田農中懷亦怡  
憚邨犬驚冠裳競吠城中容

父老向我言連年苦兵革弱者委道塗壯者隸軍籍村中多  
流亡草萊無人闢荒廢既有時肥田化爲瘠今來隴畔聞人  
力愈珍惜稚子亦扶犁不敢棄駒隙幸際

聖明時妖氛竟絕迹死者長已矣生者得安宅君看道傍禾  
俱屬天家澤

俞光組

字少蘅錢塘廩貢候選  
訓導著曲江老屋詩草

徐恩綬日少蘅家江干幼學嗜古爲伊遇羹馬讌香所  
獎許寇至走避臨浦其室人范挈子女覓使送交少蘅  
卽對使者  
獨柱石死

天竺訪周伯琦題名

氤氳香市鬧香客疇向靈山訪遺迹七十一字隸摩崖蓮花

峰下三生石三生石上舊題名一角雲根寫宦情吳中花草  
移軍駐竺國維摩離別聲君不見浙省參知揮鉅筆九稔因  
緣寄禪室理公巖圮篆刻成戊戌二月廿三日又不見菩薩  
歡呼慧上人教師允若結幽鄰字徑三寸石三丈潑墨淋漓  
咤有神吁嗟乎濟南安慶兵追道回首鄱陽人易老不如林  
洞學長生故鄉無此湖山好巉巉厓石我重摩呵護山靈歷  
劫多菱髻騎牛空色相一聲清磬出煙蘿

東園懷古

富景園荒蔓草橫絡絲門巷夕陽明遊人暗數南朝事憲聖  
駟車夾道行

蒲橋橋外卽城闌宮柳宮花送晚春何處慈航弔遺址千秋  
貽恨展城人

小院香林鐘磬微讀書結社閉荆扉東林空有甘陵禍不及  
冥鴻自在飛

小橋流水日潺湲古樹松風鎮日諠不有芝暘圖一跋至今

誰識沈家園

沈承熙

字藹香海甯諸生

沈鴻模曰藹香余猶子也同治壬戌客語溪遇賊不屈死

冬夜臥病口占

臥病初冬候蕭蕭夜更長荒雞曉野巷鬪鼠墮空梁林密風  
疑雨簾寒月似霜擁衾愁不寐愁思攪詩腸

董

耀

字小農號枯菑秀水諸生著養素居詩稿

家傳略君工詩善書畫生平私淑楊園曾集資修葺其墓潛心性理簪有警枕錄三卷光緒庚辰重游泮宮年至入十四無疾而卒

題明大理寺卿凌忠介公遺像

公殉難時有辭父書云盡忠即所以盡孝男視

死如歸含笑入地下矣但父親衰年無靠病妻弱子不堪回想耳十兒尤放他不下七弟可善撫之然兒

可以此情達之皇上使知孤臣一腔熱血也三月廿日男義渠百拜共七十五字去莊烈帝殉社稷遲一日時居城外倉黃中聞誘傳南幸不知帝之弱也

地下常含笑盡忠即盡孝七十有五字足為公寫照

珠鐙與狐裘峻節俱擲投生不阿權貴風節懷千秋

久切山斗仰早朝瞻遺像驥邨丙舍高英毅垂天象

徐烈女詩 并序

烈女盛澤人徐任唐女白洋山人溶元孫女許字里

中康慶豐年皆十八康病歿女聞訃哭泣不食人以

康素患偃僂解之女變色曰豈有一女而字二夫耶

父行賈于吳祖母憐之暗令其姊防護距夫死之二

日竟潛易布鞵投繯死舅姑迎柩合厝西充圩云

鳳皇栖高岡雌雄無再匹松柏經歲寒青青傲霜雪偉哉徐  
家女璇閨著奇節幼字康家郎標梅迨其吉生命苦不辰康  
郎猝歿沒越日聞凶變吞聲暗泣血旁人競勸慰慎勿傷鬱  
鬱盤石紉蒲葦安保常固結豈無雙鴛鴦于飛效比翼況茲  
蘭茗春溝壑忍消歇女聞氣激昂迴眸變毅色尔毋拂我懷  
一絲情難割指天矢誓言柏舟義從一生不登夫門死可同  
夫穴堂上有祖母聞聲淒入骨祖母謂阿姊暗中伺守密悲  
風撼清晨黯慘雲蔽室奄奄潛入房投繯遠永訣阿耶遠行  
賈傷心未告別祖母涕滂沱阿姊痛嗚咽視死其如歸千秋  
見芳烈春殘連理枝問年同十八道光歲庚寅四月二十日  
合瘞西充圩清泉鑒明月泉或東西流月時有圓缺惟此貞



烈魂耿耿不可滅

張以鏢字小樵烏程諸生  
著清華書屋詩集

陶然亭雨後

江亭西望雨初晴爽靄秋高挹滿城  
螺黛淺深新著色蟬琴  
緩急不同聲酒能自主甯辭醉詩  
被人知己近名冠蓋百年  
游醺地蘆花應見古今情

傅紹情字述岷諸暨廩  
生著藍田詩草

齋外罌粟花盛開有感

芳姿難畫亦難描一片新紅映日嬌  
莫怪迷香人不返此花  
顏色可魂銷

兩浙輶軒續錄卷四十七